


中華文史叢書之九十六  
清·光緒刊本影印  
王有立主編

# 金陵瑣志

(全)

陳作霖編


華文書局股份有限公司印行



光緒歲次庚子春正月

金陵瑣志三種

撰者房栻題端峇年九十



金陵瑣志三種總目

予隸籍建康留心文獻兩襄志局考核益宏既輯成金陵通紀通傳二書典章人物確有明徵矣奈卷帙浩繁付栞不易若茲瑣志三種者勝專半壑地割一隅鈞遊所經方域無舛撫今追昔滄桑之感慨滋深彰往察來袞鉞之勸懲亦寓彙而梓之蓋祭海先河之意焉爾爰次其篇目於左

運瀆橋道小志一卷

鳳麓小志四卷



東城志略一卷

神農本草經

光緒乙酉仲夏新鐫  
板藏金陵冶麓山房

叙

甫生同年家世南都性耆饌述玉帶一河溯洄从之網  
羅叢殘釐爲斯志權輿赤烏下逮並世川瀆異同仰鏡  
乎前載人物臧否用紆乎來軫禪靈渚塞緬僧辯之遺  
烈治官臺圯慕文舉之高致中離屯難履綦不續陵谷  
貿遷英豪凋謝一水縈鏡濯旣絕之纓雙橋落虹蝕曾  
題之柱此則板橋雜記係興替於簡端白下瑣言陶哀  
樂於弦外者矣僕江左棲遁越一星終橫舍峩峩校經  
斯在每詣次宗之肆輒經元禮之門眎我一編騷屑鄉

故水經標目殆道元之附庸風土名篇實孝侯之掌錄  
循省未竟心鄉往之甲申孟陬金壇馮煦

叙

儒者侈言六合求之千里萬里外以誇多鬪博而桑梓  
敬恭之地童時釣遊嬉戲之所或瞠目不能對數典而  
忘其祖識者譏焉古今志乘之書汗牛充棟若常棠之  
澉川志殷萃叟外岡志錢敬亭續外岡志所記不過一  
隅而父老之舊聞鄉先生之嘉言懿行與夫里巷街衢  
溝渠橋梁祠宇園林之變易人情風俗之今昔異宜已  
隳括於篇信乎志無大小惟要於可信而已吾友陳君  
雨生留心鄉邦文獻手所鈔輯數千紙邑人脩郡縣志

輒倚之集事里居之暇復爲運瀆橋道小志以水爲經以橋爲緯縱橫僅十里而父老之舊聞鄉先生之嘉言懿行與夫里巷街衢溝渠橋梁祠宇園林之變易人情風俗之今昔異宜慨乎言之而出以謹嚴則固澈川志與外岡兩志之例也抑予先世嘗居張府園陳氏宅又遷易駕橋李氏宅皆近運瀆迴憶曩昔所見衣冠樸儉勤於職業富者知名之可好施與無所吝學校之士尤兢兢於繩檢今且四十餘年矣老成典型猶時時在心目中讀此書益愀然雨生與予同筆硯垂二十年又申

之以婚姻其冲澹寡營博聞強識同輩皆心折然亦天  
有以成之生平著述等身茲編特乘韋之先其益出所  
蘊以爲後進模楷使人人生桑梓敬恭之思乎乙酉浴  
佛後一日上元秦際唐



道徳科ノ目録

三

--	--	--	--	--	--	--	--	--	--

題辭

甘元煥

清泓一水繞禪靈  
梧竹蕭疏揖蔣亭  
江左風流文獻在  
偶梳屐齒補圖經

柵寨葑淤閉尾閭  
于湖一論實權輿  
開編領畧褰裳意  
漫比茅亭野客書

劫後伽藍例洛陽  
從君證古語能詳  
結廬久欲棲桑泊  
種秫猶留半頃荒

朱桂模

水深土厚羨新田  
負鍾原宜濬大川  
撈淺近年功孰偉

宗臣遺愛肅雕籩

會文正沈文肅兩公俱飭營勇疏濬

桑梓人文毓地靈檀橋芹藻舊流馨仲弓居室今相近

太史應占聚德星

顧雲

五鄉在前明蜚聲有三儁其一陳氏沂圖經箸充叔遙

遙數百年芳徽君再振削簡畦畛明操管經緯順伽藍


俄盛衰道里參疑信何如誌桑梓沙錐兼泥印撰述況


未央千里此發軔世舊君儻甄敢援華玉進

君撰金陵通紀通傳

二書通傳以族姓為類故及之

連瀆裕諧圖





--	--	--

運瀆橋道小志

江甯陳作霖編

建康形勝入姓所都市井山林俱堪證古然輿圖  
寥廓挂漏是虞軌迹搜尋必自近始予家世居講  
堂大街今移紅土橋皆與玉帶河爲邇履綦所接  
耳目較真以水爲經以橋爲緯街衢四出十里而  
遙遠述舊聞近稽時事其細已甚君子所嗤作運  
瀆橋道小志

運瀆首受秦淮水北流爲支河有橋跨其上曰斗門



運瀆者吳赤烏中所鑿也

建康實錄吳赤烏三年使左御史郗儉監鑿城西南

自秦淮北抵倉城通運於苑倉謂之運瀆按城宮苑城也倉城石頭倉城也苑倉宮苑倉也

仲謀

創業營建石頭倉穀轉輸由淮入瀆糧艘萬斛廓其

有容今裁通舟夏漲冬涸民居迫束流緩易淤穢惡

所傾日積日甚汲飲濁胃職此之由苟舍濬治別無

善策

明南京工部尚書丁公賓濬河疏畧云自水西門覓渡橋起入水關至北門橋止是為正河由

斗門橋紅土橋乾道橋又由淮青橋四象橋內橋會同橋筍橋二水會同俱從小新橋倉巷橋望仙橋周

家橋鐵窗櫺出城是為大支河包藏於正河之內又有各支小河環於大河之外用以吐納靈潮疏流穢

惡通利舟楫故居不病涉小民生業有資譬如人身臟腑居內有血脈營衛以周流也若使血脈一淤則

元氣積滯而身必受其病故河道之開塞所係良非輕也顧文莊公起元城內諸水攷略云江甯自秦淮通舟外惟運瀆與青溪古城濠可容舳舻然青溪自淮青橋入至四象橋而阻運瀆自斗門橋入西至鐵窗櫺東亦至四象橋而阻以河身迫狹又民居侵佔者多易爲湮塞也若當事者肯議爲疏濬則支流分派無汜濫之憂矣由是勤加疏濬自明以至國朝其近而可知者則嘉慶二十二年鹽巡道方公體請於制府自斗門橋至北乾道橋東至內橋西至鐵窗櫺悉濬之道光四年江甯府知府余公需元以義振餘銀復濬之謂爲新河咸豐元年總督陸公建瀛又濬之同治四年總督曾文正公又濬之光緒五年江甯布政使桂公嵩慶其淮水支港通瀆處古謂之禪又濬之此其大槩也

靈渚梁都晉三僧辯討侯景之師所從入焉

乘湖入淮進 靈渚 至禪靈渚 緣幢巨艦銜尾而前奔浪驚濤渺瀰可

僧書王 僧辯傳

想以今相況殊覺不侔陵谷變遷匪朝伊夕矣渚西

北有禪靈寺

在倉巷西道光中猶存

半里而遙舉目可見今隔

闐闐邈若山河或乃以寺前范家塘為渚豈當時迴

波溶漾與渚相通久遭塞湮僅餘數畝歟禪靈寺橋

者即今之斗門橋也橋上有觀音閣同治初里僧所

建後軒三楹俯臨瀆水舟過其下時聞槳聲然沿河

細徑為所占斷矣橋東右轉循瀆南臨淮水為渡船

口或曰古舟子洲遺址在是

肇域志梁天監十三年以朱雀門東北淮水紆

曲數有水患又舟行旅衝太廟灣乃鑿通中央子友  
為舟子洲其後諸郡秀才上計率憩止於此

嚴君雋鴻殉粵寇處也

君字順之江甯僧生家居斗門橋賊擁之出被害於此其

家 馮

渡口濱淮東出有玉帶巷

東通上浮橋

明成國公朱

儀宅在焉

見南都察院志或指此為俞通海宅者誤今圯

稍北又有巷曰小

彩霞街

東通顏料坊

街南有聚峯園湖石嵌空梓陰蔽日

林亭點綴鬱為茶寮予幼時猶及見之

即幸春園茶社之址也見

白下瑣言又相傳斗門橋南有畫錦堂宋王綸知建康府時之所作也今不能詳其處

園西北

有南雞鵝巷

以北門橋有雞鵝巷為明馬士英宅故言南以別之

巷盡處為講

堂大街即斗門橋直東街也自橋坡而下舊為貿毛

竹者所居削筴斲栝比戶皆是諺曰斗門橋快子兩

頭忙得諷刺之旨焉今業此者僅數家矣再東為果

子行口街衢交午處也

南為彩霞街北為評事街

肉膩魚腥米鹽

糝雜市廛所集萬口一囂街北有巷曰陳善坊舊名

松竹園再北為嘉兆巷

北通干章巷

交午於二巷之間者

曰南市樓

東通評事街西通泰倉巷

明十四樓之一也本宋安遠

樓故址

金陵瑣事引藝林學山云永樂中晏振之金陵春夕詩花月春江十四樓蓋洪武中建來

賓重譯鶴鳴醉仙樂民集賢謳歌鼓腹輕烟淡粉

梅妍柳翠南市北市十四樓於南京以處官妓油

檀裙屐膏首塗脣勝國獎風教坊為甚浸淫閭里殆

三百年太守陳公欲革靡俗妓寮盡毀閉閤聿興月

吉歲時與民讀法講堂之號實肇於斯

金陵聞見錄長沙陳公鵬

年來知江甯府拆毀南市樓改講堂命父老於朔望講孝弟忠信禮義廉恥今講堂大街是也二林居集總督阿山欲劾陳公摺撫無所得則以公嘗逐娼建亭其中月朔宣講聖諭為大不敬奏之幾罹不測

焉道北有先鄉賢公所居舊宅

公諱指授之授字石渠諸生同治中入祀

鄉賢

蘭生空谷無言自芳盛德感人望廬致敬今尚

有族人居之迤東樓二楹先中書公兄弟讀書之所

所謂棠芬書屋也

公諱綱維之維星垣之垣字豐之鄉賢公之次子也以嘉慶己卯進

士官內閣中書故老相傳當時攻苦寒雞再唱猶聞書聲亂

後樓夷變為房闔眷懷先德感慨實多宅西有山東

會館再西有泰倉巷

北通干章巷

巷口跨街築樓以祀文

昌神里人之所崇奉也其西人家屋後皆濱濱矣斗

門橋西為油市大街諺以耳語為上油市有竊脂之

義焉街北有甘雨巷

北通紅土橋

古名乾魚巷曰甘雨者

音之譌也又有塞巷曰豆腐苑即斗門苑曰豆腐者

音之轉也甘雨巷中道西有太平會館與會館相向

者有尚書何恪慎公舊宅

公諱汝霖字雨人江甯人道光中以舉人官至禮兵

二部尚書風度温温諡稱其行達官聽事旋馬僅容今沈

氏所居者是也會館側有塞巷曰銀臺第以羅振彞

通政居此得名

通政諱秉倫上元人  
雍正中以進士起家

直節清風光被

鄉國鳴珂改里桑梓之恭也稍北又有車兒巷巷中

道北有陳茂才大鏞宅咸豐癸丑之變其夫婦殉節

之所也

陳君字一山  
江甯諸生

讀聖賢書誓不見賊潔清自守

甕水流芳今宅址已易主矣自巷西出為糯米巷

北通

安品街

糯米巷道西有中州會館由會館南行巷盡處

仍為油市又名故衣廊道北有炎帝菴定遠方氏之

所修封崇寺僧嘗以為下院焉又有巷曰平安塞巷

也巷西舊有談忘崖比部宅

比部諱羽儀江甯人以  
諸生入貲為郎中隨園



之弟子也 及今安徽會館 會館舊為姚氏宅中有品雅園古栝蒼然亭宇修潔

宅今圯 同治中總督行轅及江甯府 廨迭寄居之今為皖省公所 皆棟宇連雲樓臺撲地

疑明定遠隆平二侯府也 二侯府在油市街見南都察院志 其間又

有陶京山司馬宅宅前有解元坊 司馬諱紹景江甯人乾隆中鄉舉第

一官至淡水同知乙己大荒以千金散族人嘉慶初重宴鹿鳴其諸孫渙悅濟慎皆舉人甲戌大禘出金

巨萬以助振 縉紳耆艾領袖里閭任恤睦婣世濟其惠今

已門無達宦矣宅側北出有燈籠巷 通安品街 巷中道西

有地藏菴焉由安徽會館西行過倉巷口道北有天

后宮全閩之會館也 建康志水西門街有廣濟坊在廣濟倉東南又有惠澤龍王廟

在大軍庫東今皆不能指其處再西爲水西門又曰三山門取三山

半落青山外爲義古所謂龍光門殆卽是與肇域志斗門橋

龍光門西出曰城側迤北有巷曰犁頭尖象形以爲名也入

巷東北行穿木屐巷而出則至於倉巷南通水西門街北通府學

前倉巷者人文萃聚之區也冶山之氣鍾毓所凝戶

列簪纓家興弦誦南頭有龔梧生太守宅太守諱孫枝江甯人

乾隆中以進士官至曹州知府有循聲北頭有黃輯五學博宅學博諱瑞江甯

人康熙中以貢生官震澤訓導敦崇儒行今修撰思永其裔孫也其子孫尚世守焉

木屐巷中有遠鎮菴明朱元介侍郎出使朝鮮歸而

作此其後卽以爲家祠壁間舊嵌侍郎父杜村太守

石刻小象

太守諱衣嘉靖中以舉人官至沅州知府

峩冠博帶風格肅然

今藏其裔孫家與木屐巷相竝者爲朱狀元巷以侍

郎故里得名

侍郎諱之蕃萬厯中以南京錦衣衛籍成進士廷試第一官至工部侍郎

高

文狷節殊俗嚮風晚歲告歸怡情詩酒曠懷遠韻無

愧龍頭矣朱狀元巷北又有丁家巷巷中有文昌菴

及高攀桂妻蔡貞節木坊巷盡處爲范家塘

北界止馬營南

望城牆根

雉堞參差環如屏障垂楊蘸水掩映鴨欄畫中

之文待詔也塘側有佛柱一月黑天陰以鎮鬼物禪

靈之境止於斯已由木屐巷迤南東出有街則與紅土橋遙相望也

運瀆水自斗門橋北流至紅土橋再北過草橋而西折焉

紅土橋者南乾道橋之俗名也嘗有掘地深三尺者見其下土色皆紅而知見稱之由蓋冶麓之餘氣焉

橋東爲干章巷東通評事街舊名銀倉巷道北有富德巷

北通打釘巷俗呼瓦子巷本宋和熙樓故址明因之建北

市樓又謂之富樂院後院移武定橋而樓遂廢橋坡

西下北出有驢皮巷

北通草橋街

攻皮者比戶而居腥穢

之氣夏月逾甚臨河洗濯水爲之汙禁止屠宰以清其本是在良有司已巷北口植長木高出天半兵火之餘無稍損焉橋西直街卽沿橋名予家適當道北宅燬於兵亂後重建一瓦一木備極經營予移居詩所謂綢繆成牖戶毋乃父母勞蓋紀實也宅後有隙地數畝強名之曰可園土阜坡陀築亭其上諸山蒼翠近接檐楹種竹蒔花以悅晨夕蔬肥筍脆甘旨足供園居奉親無復進取志矣宅西數武過甃門爲安

品街西通倉巷街北舊有關帝廟嘉慶中江甯知縣錢公有序重修今復毀廟

西有馬湘帆侍御宅侍御諱沅江甯人道光中以庶常官御史工駢文善詩著有駐

颿閣文稿塵定軒詩稿文章華國遺藁廬存徐庾之流派也又

有陳子璿茂才宅陳君諱瑒江甯諸生精天文勾股學九章算術綜貫

中西傳入疇人實無愧色今其址皆易主矣再西有

普利寺明天順間所勅建也門左右有二狻猊像鑄

質猗猗光黝如黍俗呼鐵師子牙鑄物吉金今皆羽

化護持龍象無復莊嚴為流連者久之道北委巷縱

橫其近甃門者曰輝復巷北通七家灣自巷東出又有小

輝復巷

東通驢皮巷

予宅後戶所在也稍東道北有圓通

菴夜半鐘聲聞從枕上動人猛省之思焉由小輝復

巷口北行數武舊有通靈觀趙宋時之所建也

見南都察

院志癸丑之變予前室席孺人藁葬其地今觀已就圯

里僧立三官殿於側以奉香火予特立石築冢志之

子孫庶不忘乎觀迤西有巷曰醬棚營其貫營橫通

安品街者曰長巷

北通年家棹子

長巷之半有土阜曰狗皮

山

嘉慶中濬運瀆其泥皆積於是

山下舊有地藏菴今為叢葬之所

悲風蕭瑟時閃青燐夜行者戒焉由醬棚營西出有

牙檀巷

南通安品街北  
通年家桿子

地近禪林香烟繚繞命名所

在實取於茲巷迤南西轉經封崇寺前再西為月牙

巷

西通  
倉巷

今為民居所隔月牙巷乃南折而達安品街

矣封崇寺者趙宋時因舊報慈廨院而建也

見建  
康志以

樓奉佛疲津梁像故俗謂之臥佛寺舊有佛經全藏

華嚴歷劫三昧歸真法界中興彈指復現晨鐘暮鼓

戒律精持城南之大利也

粵寇之變主僧炳炎焚菴  
以殉同治以來德誠重修

之佛殿僧寮  
悉符舊制

壁多建康府倉甄蓋鐵塔寺之故物趙

宋遺篋於此厪存寺側古有禹王廟

見至正  
金陵志

三江順



軌大哉禹功廟祀千秋允宜美報遺構久迷致足慨  
 已由牙檀巷北出為年家桿子草橋西之直街也草  
 橋者北乾道橋之俗名古有高畦橋跨運瀆上疑當  
 其地南朝建康西尉之所治焉宋時有建興寺年湮  
 代遠按牒難徵矣橋坡西有嘉慶時畫師崔瑤與妻  
 黃百歲石坊烟雲供養世享大年人瑞也瑤子溥亦善畫年九  
十橋東為打釘巷東通評巷北有禮拜寺回民之所  
 奉也自草橋以至七家灣半為回民所居故有是寺  
 寺側有委巷曲折東出貫評事街而過為竹竿里東通

橋子 即古之竹格巷以臨竹格渚而名格竿者聲之

轉也見肇域志 晉王含犯順之師嘗從此濟見晉書 狼奔豕

突間道出奇沿淮湖青此為要隘矣其間古有謝鎮

西寺晉鎮西將軍謝尚宅在竹格渚永和四年捨為莊嚴寺宋路太后改謝鎮西寺久廢 將軍

高詠武亦能文晚謝朝權棲心禪悅典午清談之習

也今雖故址難定而枉渚可尋實為運瀆之東源焉

青溪水自內橋來會之為運瀆東源西流過鴿子橋羊

市橋之水入焉

運瀆東源者導青溪水而西注者也六代以來溪流

浩渺引以濟運汨汨其來前明塹城斷不復續護龍

一曲細僅如溝既過內橋乃始名瀆橋昔在南唐宮

城內故謂之內橋閣道橫空上應星漢天津之名所

由昉也橋南直街即曰天津街明山陰唐侍讀之瀆

宅在焉

侍讀為方正學所薦同纂法戒錄於天津街見靜志居詩話

今謂之府東

大街

南通三山街

街轉西為江甯府署俗傳為吳都督周

瑜宅不足据也署內舊有主一堂陳太守開虞所建

也高齋塵靜主客皆清廓園雅吟足資故實

廓園龔翰字也

翰上元人有題主一堂詩

儀門西舊有江防同知署經歷檢校諸

署亦埒之再西爲箭道同治中制府馬端敏公遇盜之地也倉卒變生思之心悸今學使按臨皆試騎射於此署南有府城隍廟所祀者宋少保文信國公也地元之祭重以褒忠泰厲臨壇載在祀典俗曰都城隍者沿明稱也廟西舊有關帝廟今圯再西數十武道北有南捕通判署其街卽沿署名曰南捕廳西通綾莊巷在南宋爲西錦繡坊地與東錦繡坊對峙今府署東出直街猶存古名也過廳迤南甘氏之宅在焉系出敬侯世綿孝義南邦鉅族簪笏相承江甯之甲姓

也甘氏為晉湖州刺史卓裔嘉慶中有諱福者以孝

義副貢官太平教諭推升知縣熙以進士官

郎中著有白下瑣言從子炳官浙江知府宅中舊有

津逮樓縹緗彙鼎充棟庋藏千頃五車差堪為匹金陵

黃氏千頃堂焦氏五車樓皆儲藏之富者府廳二署之間有巷焉今亦謂

之天津街民居湫隘不稱厥名街西有古柏營西通

自營北轉迤東有白衣菴中殿奉觀音大士東殿奉

炎帝慈悲猛烈相濟以成水龍局之公所也由菴東

出仍為天津街再北行則為內橋灣東通內橋西又

至運瀆之濱矣其跨瀆第一橋以北臨鴿子市俗呼

為鴿子橋準諸古之鸞子橋適當其地

建康實錄鸞子橋即孝義

橋

在宋時曰閃駕橋一日景定馬制置使光祖紀其

肇建之年也疏淤導滯水利以興橋梁聿興民不病

涉矣

自此以西鼎新武衛諸橋皆馬公建

在明曰清化橋以清化坊得

名橋南直街為絨莊宋有永甯驛虜馬臨江羽書絡

繹紹興置傳晁記特詳

紹興五年晁謙之有永甯驛記

道東有陳氏

樸園疊石環軒欽寄磊落參天拔地雙栝尤尊今樹

亡而園易姓矣園迤南西出有泥馬巷

西通評事街

俗傳

宋高宗南渡遺迹齊東之談也稍南又有走馬巷

亦西

通評巷中道北有委巷曰瀋陽衛北通泥徼道周廬

邊軍番上居中控御想見雄圖然其後衛卒則為官

吏所魚肉矣諺曰拔不了的衛籍言受累之深也由

走馬巷東口南行道西有明僉都御史景公祠公諱清以

建文帝舊臣死相傳公宅在祠側皮場巷內巷西通

壬午之難者東口貫絨莊而過為甘露營舊數折緋衣犯座上應

以達於南捕廳街今為民居塞斷

星辰瓜蔓連抄慘同十族式廬表節實在斯人里氓

修闔平章易號夷其闔址迹遂蕩然白下瑣言皮場巷有小巷曰景

公閣道光中居人修造開門改曰巷中道北有溧水

平章巷今又移祠絨莊而闔遂廢

朱氏宅予姻家也

朱君紹頤字子期舉光緒丙子鄉試文行兼優粹然儒者

宅內

有學圃老桂疏藤林亭點綴春秋延賞佳勝為多由

景公祠南數十武西轉為綾莊巷

西通評事街

絨莊之街

盡於是矣

再南為板巷東轉為南捕廳街

鴿子橋北橫街為珠寶廊

東通內橋口再東則昇平橋

明日珠市一名石城坊來道敦化二

街皆其異稱也嘉道以還物力全盛明璫翠珥炫耀

市廛治琢之工鱗次櫛比奢蕩成習馴致亂災勢極

而衰理或不爽其街東連通濟門西走石城門幾及

十里皆途容九軌鏡石砥平

白下瑣言石城門至通濟門長街數里鋪石皆



方整而厚明洪武間令民輸若干予一監生謂之監石今被牛車碾之多破碎矣牛車者駐防運八卦洲柴入旗營率由是路終年不絕又客座贅語云南都街多青石故老云皆先朝豐碑石也二說不同竝存之以旁翼修廊足蔽暑雨邇來變易半入民居每湖

舊規僅得彷彿其與鴿子橋錯綜而列者爲羊市橋

一名大市橋吳時貿易之區也古有建初寺在其地

宮苑記吳大帝立大市在建初寺前其寺亦名大市寺橋下所跨之水則護龍

河之北折處故又謂之西虹橋城東北諸溝之水皆

匯於是諺曰三回不過羊市橋貳過者宜知警矣相

傳明司馬西虹太守宅卽在橋畔

太守諱泰上元人嘉靖中以進士官

至濟南知府

直節當官居鄉行惠著述宏富聲溢陪都東

南之碩彥也橋西道南有長生茶棚中元晦日會盛

清涼沿路彩亭香花供佛此其一也

每七月杪地藏誕日賽會極盛

沿路設茶棚以為赴清涼山者憩息之所

自此以西則為笄橋北口矣

鴿子橋水西流至笄橋

笄橋者相傳茅山二十六代笄宗師所建也故以其

姓氏之

今句容多笄姓皆其裔也

準諸古之揚烈橋適當其地烏

衣王郎從容觀鴨雅人深致彷彿遇之

南史王僧虔觀鴨於揚烈

橋

在唐曰太平橋乾元佞佛惠及眾生魯公置池碑

文可考

唐顏真卿為昇州刺史奏臨江帶郭置放生池八十一所昇州太平橋其一也碑今在新

廊舊鍾

南宋時置有酒庫蕭鷓巴之所幹管也收息

犒軍於是焉取

見建康志

詩人汪瀛汪膠嘗居之尤蕭范

陸具體而微矣

見金陵詩匯

在明日欽化橋以欽化坊得

名成祖使都督譚深沈梅駙馬處也

駙馬諱殷甯國公主婿也嘗拒

燕兵於淮安及成祖立召至京陰令譚深擠之於笮橋下

戚臣孤節難以顯誅投

旨武人陰行毒害酷已以其為夜市所集故今謂之

笮橋市橋南舊有曠地一區燈市之所萃也上元月

夜曼衍魚龍光迸星芒目不給賞今地變市塵而貫

燈者亦徙而南矣

市舊有料絲燈極光明子幼時最愛之今市中不復見此種其

直街曰評事街

南通行口

本名虔市街曰評事者音之轉

也

白下瑣言一名皮坊見金陵世紀

明歐陽愛溪太守

太守諱榮上元人天順中

以舉人官至岳州知府

及沈雪崖處士

處士諱琪江甯人侍御越之父也

皆世

居之堂成式好

榮子汝和與從弟汝誨構式好堂為游息之所堂右有室室後有閣曰雲

住左為宴園園有齋曰聽秋亭曰愛日日問月庭有天目松三株焦太史竝為作式好堂記云金陵評事

街居人莫久於歐陽氏是也

樓築瞻雲

琪父沂嘗建樓以為誦讀之所卒後琪名樓曰瞻雲

康殿撰海作記金太守琮書額

代有聞人無忘祖德伊德載僉事致

仕後亦卜宅於是

德載諱乘上元人成化中以進士官至四川僉事

家居著

書不謁當事集曰味淡名與實符其遺址皆無可指

證也道西有江西會館

白下瑣言江西會館大門外花門樓一座皆以磁砌成尤

為壯麗今毀

紵麻磁器之肆環之昔者什居其六今僅什

之一二矣笄橋北坡曰黨人碑宋宣和中刻石處也

斜直府牙門擬端禮諸賢同籍洛蜀何分以其為四

達之衢刑人者必於是焉貫街而過為木料市再北

為大香爐街

北通明瓦廊

以街中舊有鐵鼎而名鼎之旁

又有白塔皆元龍翔寺中物

白下瑣言曹都巷口有鐵鼎上鐫元時年號並

捨奉龍翔寺人姓名凡數十字又有白塔金陵瑣事裕民坊西街心有白塔香火頗盛俗傳明太祖活埋

張士誠於下因建塔以鎮之相傳東自西虹橋西至此說非也乃龍翔寺舊塔耳

冶城皆為寺址潛邸巍峩捨為佛刹緇流黃服備極

推崇

元文宗分藩建康尋入正位以所居為龍翔集慶寺召僧大昕授大中大夫使居之僧本衣緇

文宗賜大昕衣黃其後僧徒遂皆黃衣見堯山外記寺有虞學士集所撰碑今

不知所在矣大香爐街西有曹都巷及小板巷

皆通高井

小板巷中有隙地曰郭府園明武定侯之舊宅也

南都

察院志羊市橋側有武定侯郭府僅約畧言之耳

由園南出為下街口即直

羊市橋之西街明蔣拙齋參議嘗居其地

拙齋諱法上元人成

化中以進士官至江西參議

書樓三楹雖貴不易筆門圭竇清風

迥然道南有炎帝行宮及地藏菴皆里僧募化而建

者菴西道北有丁雲衢別駕宅

別駕諱鼈上元人乾隆中副貢生歲饑出

粟萬石以振議敘州同著有培風書屋集

經訓菑畚好行其德肯堂肯構

施及子孫再西則為鼎新橋口矣

筮橋水又西流合草橋北出之水為運瀆正河至於鼎

### 新橋

鼎新橋本名小新橋宋馬制使重建之因改今名

白下

瑣言道光甲申濬河於鼎新橋下掘地四尺得銅刀長三尺上有七星文下鑄龍首形無款識伍明經光

瑜作歌記之

橋南為七家灣吳人輕薄隱語刺君明祖怒

屠僅餘數戶雖語同小說而非盡無稽諺曰眼淚到

了七家灣蓋傷痛之極矣

相傳明太祖於上元夜微行至此見有畫不纏足婦

女懷抱西瓜以刺馬皇后者大怒令屠其里門有張燈者盡殺之僅餘七戶云道西有牛頭

巷再西貫倉巷而過為止馬營

西通望仙橋

一日掃花館

里名雅令近鮮知者道北有布衣席氏殉難大家

布衣

諱存仁上元人咸豐癸丑二月自焚死同殉者二十餘人後因就家築冢立石誌之食毛踐土

誼不忘君我朝德澤之厚也鼎新橋北橫街西出

為紅紙廊

西至文廟前街

舊有葛醫士鏞宅

鏞字芝山上元人粵賊既入城

為酒食召戚友飲畢昇二棺至夫婦偃臥其中命眾掩之紅羊罹劫談笑歸真藝



術中之傑出者也街南北有新建織造筆帖式庫使

四署其自橋貫紅紙廊直過為高井大街以井深而

闌高得名凡三道焉北通新街口街東舊有涂明經煊宅

明經字宣之上元歲貢生殉粵寇之難者著有兩漢經師表經師立表抗慕漢儒

狻猊橫行義不受辱成仁有所彌見從容矣街盡處

有巷西出為南塘里晉時豪俠之所聚也赤白探丸

不拘繩墨士雅軍健安石令寬裘馬輝煌吞舟網漏

世說祖車騎過江時公私儉薄無好服玩王庾諸公

共就祖忽見裘袍重疊珍飾盈列怪問之祖曰昨夜復南塘一出又云廝養逋亡多逃竄在南塘下諸船中或欲一時搜索謝公曰不容此輩何以為京師不

許乃止 準諸宣陽之門杜姥之宅犬牙交錯徑直相當

或號蘭台兩存其說莫能定也 晉書王含眾由竹格渚濟至宣陽門劉遐

等自南塘橫擊之宣陽門當今北門橋又宮苑記蘭台在杜姥宅東端門街杜姥宅當今治城側 里

盡處有巷南北出為易駕橋 南通紅紙廊北通三茅宮 李氏之宅

在焉 乾隆中有諱光裕者以上元舉人官永川知縣弟光昱光業皆舉人光晉以進士官翰林院檢

討家素饒裕樂善好施 鐘鼎承家緯以文采救荒施惠其澤孔

長今所居亦易主矣其在高井道西與曹都巷相向

者為皇甫巷以南唐皇甫暉所居得名後入元文宗

潛邸故又名王府巷 西通易 巷中舊有上江考棚為

安徽諸生錄科之所考棚側為邢氏緣園疑明吳太

學肅卿之治麓園也

園中有綠雨堂月波軒陂水方居其半見焦太史竝園記

池數畝綠柳盈堤廣廈修廊疏密有法

緣園舊屬徐氏錢塘袁公

枚知江甯時宴新進諸生於此及歸邢氏隨園贈以楹聯云舊地怕重經當年絲竹宴諸生回頭似夢名

園欣得主此日樓臺逢哲匠著手成春見詩話又白下瑣言園中有小亭高聳登之則治城山色如在襟

帶間並有扇摺矮垣屈曲紆斜循而走者有迷路出花難之歎其勝處為梅花澗通幽閣花雨樓石浪徑

碑廊岸舟環碧軒芙蓉窠主人邢崑與緣園毘連者上元諸生也梅郎中曾亮有緣園記

有明孫烈愍公祠

烈愍公諱泰陽湖孫觀察星衍之遠祖

淵如先生以

奉其先者也祠畔為治城山館亭臺池樹布置天然

比屋園林今皆瓦礫矣由王府巷西出迤南道西有  
璧門額曰冶山道院一徑曲入叢樹幽深劍池山房  
之所在也舊從飛霞閣歷階而下今已隔斷留爲羽  
士之居殿宇高涼房廊虛敞星冠霞帔噓吸仙靈過  
之者有飄飄凌雲之致焉院東月門中爲竹居合肥  
張氏所築之精舍也寥天一碧潤滴琴書追暑延秋  
此焉憩息七賢六逸把臂入林已掠璧門而南巷將  
盡處東夾道中舊有表忠觀以祀明建文時諸忠臣  
也今併其祭於十三祠中過此而南則爲道濟橋口

矣

運瀆水自鼎新橋西流歷道濟橋至文津橋

道濟橋本名崇道橋以其在倉巷北俗謂之倉巷橋

同治中以建府學改今名橋北橫街舊以在朝天宮

前呼為宮門口

東接紅紙廊西至古城隍廟

今亦謂之文廟前街

文廟所踞即冶山之巔也山本吳之冶官治

或曰勾吳或曰

孫吳築城以衛之故又曰冶城晉禮元臣移治遠去司

徒之府乃置西園

晉元帝大興初以司徒導疾久方士戴洋云君本命在申而申地有

治金火相爍不利遂移治於石頭東髑髏山以其地為西園徐廣晉成帝紀所謂適司徒府遊觀冶城之

園是也按晉時治官猶在則當為孫吳所置矣郭處士文學書臺在焉處士軼人

有隱操司徒導築臺於治城後建治城寺於此亦名

治亭晉太元五年建治城寺及桓靈寶入建康廢寺為別苑尋復故陳永定二年遣臨川王西討王

琳送之於治城寺是也又劉裕將至劉宋乃立總明

觀學蓬萊冊府五業竝興庠序明倫此為初祖矣建康

實錄宋明帝六年立總明觀於治城徵學士充之置東觀祭酒訪舉各一人舉子二十人分系儒文史陰

陽五部學尋廢其山踞臺石二城之衝當擾攘六朝之際時

平則通驛世亂則置柵江郎夢筆江文通夢筆驛在治城側徐度

連營南史徐嗣徽等據石城丞相霸先遣徐度將兵據治城築壘以斷之嗣徽攻治城柵霸先將精

甲自西明門出擊大破之所距皆不遠也楊吳時為紫極宮有鍾

阜軒見黃履金宋雍熙中立文宣王廟尋改為天慶

觀大中祥符間賜額為祥符宮有太乙殿以殿名其

泉曰太乙泉元為平妙觀天麻中昇為大元興永壽

宮有鍾英亭文宗所賜名也宣室延釐青詞建醮崇

阿精舍密若蜂房明為朝天宮殿後有萬歲亭百司

庶府遇大朝賀前期受戒於此習儀宮左有東麓亭

見余學士南都察院志宋嘉平中張右有西山道院守正遇一道人授以驅蝗

孟麟集法守正結草菴皆登覽最勝處也方予幼時規模尚

曰西山道院

備遊蹤所及語焉能詳門向離明久閉不啟東閨側

入厯級而升旁立二碑承以最屬碑為明中葉所立今尚存其一前

重為神君殿中為三清殿後為玉皇殿皆高臺納陛

翼以長廊飛雲飛霞景陽三閣矗立於其東皆道士所謂房

也頭治山之樓武進之館延袤於其西武進湯貞愍公貽汾於山西巔

築治山樓集名流觴詠於中樓下即為武進會館幽境名區罕與為匹中經

寇亂掃地無餘惟三清殿下銀杏一株僅存而府學文廟於是乎

改建焉舊在雞籠山側朱扉黃瓦耀日流金因高為隆制度

宏麗自啟聖殿玉皇殿址大成殿三清殿址戟門神君殿址外凡神



庫藏祭器樂器 宰牲亭之屬無不畢具春秋上日釋奠禮

行古樂鏘鳴容儀肅穆儼然有見聖之思焉由持敬

門出穿夾道而東行南向者為明倫堂屏書大學聖

經首章以肅瞻仰禁開煤礦碑及廣學額籌公車費

碑皆列於其側堂後為教授訓導署水府行宮舊址門東向

署後為尊經閣西從夾道中入厯級而上為名宦鄉

賢二祠瞽宗秩祀沒世不忘禮也再上為顧亭林先

生祠先生諱炎武崑山人明季職方司員外郎國亡不仕蹤跡徧天下嘗過金陵謁孝陵寓朝天宮

學行為東南儒者冠祠勝朝遺老傭署蔣山履跡所仿京師慈仁寺之例也

經山川增色相連者為十三祠十三祠舊在梅岡同治五年改建府學遂

附之於此入祀者凡三十有一祠仍名十三祠者從

昔稱也總祠六曰青溪先賢祠曰雙廟曰三忠祠曰

表忠觀曰羣公惠澤祠曰昭忠祠專祠二十五曰晉

梅公賾曰南唐劉忠肅公曰宋曹濟南武惠王鄭介

公馬莊敏公曰明孫忠愍公方忠文公景忠壯公黃

忠節公孫烈愍公周忠節公王文成公黃公承元王

公曠海忠介公丁清惠公耿公定向汪公宗伊張莊

節公何忠節公鄭公一麟曰國朝于清端公于襄

勤公陳勤恪公姚大劫初平明禋未復同堂異版合

公延箸張公瑛

祀於斯又有忠義孝弟祠從祀學宮名宦鄉賢例也

夾道盡處為倉聖祠配以周史籀秦王次仲程邈漢史游許慎開聰握算

文字權輿當門有御碑亭碑鐫

純皇帝登

冶山詩麗藻奎章日星並耀矣殿旁厯石級而上東

有樓

即臨殿上舊飛雲閣也

西有亭

即在啟聖殿後

託地既高景復曠

遠夕陽殘雪縱眺尤宜倉聖祠左側為飛霞閣金陵

書局寄治於此藉江山之勝槩發文字之古香秀野

琴川差堪媲美山後迤北有謝公墩安石發遐想處

也

世說謝太傅登治城悠然遠想有高世之志

亦名紅土山

俗呼宮後山

丹堊

所資日鑿成谷雖有厲禁莫能止之山麓舊有鐵塔

寺劉宋之延祚寺也趙宋曰正覺寺

見王半山集

寺有倉

曰鐵塔倉倉旁有井曰百丈泉其深不測水味清甘

宋元懿太子攢宮在焉

宋紹興中高宗幸建康太子從以驚疾薨就瘞於是六

飛所駐光掩前星卜兆南都義同羸博地有頑鐵作

翦式俗呼為飛來翦蓋建塔時所遺者靈谷長干皆

有之

劉後村克莊有鐵塔寺詩云細認苔間字方知鑄塔時不因兵廢壞似有物扶持古殿人開少

深窗日上遲僧言明受事相對各攢眉按鐵塔圯於嘉慶時

自是而北冶山之界

盡於是矣府學西有文津橋亦同治中因建學而立

者

先是立學時欲就運瀆為泮池後以費鉅移宮牆於北岸中鑿小沼而規模遂不甚稱云

直橋

街北有晉卞忠貞公祠

公諱壺濟陰人以侍中督軍與二子眈盱俱死蘇峻之亂

葬於治山西麓

一門亮節名教攸關歷代更修巋然無恙

祠舊

與朝天宮西夾道通  
故俗呼宮後門口  
祠後爲墓墓北向迤東舊有忠

貞亭宋慶厯中葉公清臣改曰忠孝并以目其泉焉

墓前有全節坊松柏蒼蒼舊規漸復葉公所書之碑

碣猶存鐵畫銀鉤魯公伯仲每過輒摩挲者久之相

傳梁處士何點籬門園實在於是植花酌酒尚友古

人梁書何點與孔稚圭爲莫逆友點弟遁以籬門園居之稚圭爲築室焉園中有卞忠貞冢點植花冢

側每飲必舉酒酌之蓋西州城之外郭而望仙橋嘗專其名矣

運瀆水自文津橋西流至望仙橋迴龍橋之水入焉

望仙橋者宋名武衛橋卽古之西州橋也典午州治

實在石城東設籬門與橋相近齊將軍陳顯達犯順

授首於斯矣

南史陳顯達反官軍敗之於西州走烏榜村斬之於籬門側

一曰烏

榜村

初西州未有籬門但立烏榜與建康分界遂以名村

唐詩人冷朝陽宅在

焉落日澄江風景如畫舍人佳句傳誦至今

韓翃送冷朝陽

歸上元詩落日澄江烏榜外秋風疏柳白門前

至明有金盤李園為徐魏國

公別墅之一裙屐冶遊於斯為盛

見王弇州世貞名園記

史墩

實在其側蓋因癡翁而得名

癡翁諱忠上元人隱居不仕家有臥癡樓一

門風雅閨閣同心遙望玉仙琵琶聲接橋名之所由

昉也

相傳史癡有愛姬何玉仙解書畫通音律橋曰望仙為姬作也

舊有史癡翁故

里石碣故又謂之史橋橋北橫街有平橋曰迴龍橋

客座贅語迴龍橋建康志云在城西門內今卞廟西大街有平橋下洞甚巨南通運瀆而至鐵窗橋者卽

此橋也橋下水蓋匯城西北諸溝由候駕橋而來者客

贅語鐵塔寺倉前有橋俗名候家故老言本名候駕其義無考候駕橋西有華藏菴

楊吳之報先寺也宋為報恩禪院荆公築舍軒名籜

龍叢篠幽篁地偏心遠建康志斗門橋西有華藏院院有此君亭王半山安石有

詩又半山於鐵塔寺西作書院名籜龍軒疑卽此準諸徑直亦在斗門橋西也明宣德間創

為接眾禪林後魏國公徐宏基以清靜聲聞額之嘉慶

中主方丈者為玉潔和尚高僧也今有甘棠文塾寄治於斯桐城遺

愛加惠俊髦桃李新陰頌聲斯作同治中江甯知縣甘公紹盤籌建文

塾以教孤兒月一課之於此其側有朱氏西園後分爲溧陽史氏

及何祥垣都轉宅都轉諱其與上元人道光中以進士官至山東運使粵逆之

亂梟獍窟居天地清夷鞠爲茂草楊逆秀清初入城踞爲偽府旋爲韋

逆昌暉所燬循溝而南至迴龍橋街爲黃泥巷卽古之運

巷也舍舟遵陸輸委倉城運路所經此爲衝要梁沈

隱侯約之故居在焉里巷之名是最古矣沈約自序云高祖賜

館於都亭迴龍橋東有明倪公祠公諱瀨元和人官南京兵部車駕司

郎以編審船政恤民疾苦而祀也西有古城隍廟廟



建於唐天祐二年壇壝更置猶存舊名紀侯之稱非

同臆造

何孟春餘冬錄序城隍之祀徧天下各指一人為神之姓名如鎮江慶元甯國太平蕪湖

等郡邑皆以為為紀信故今廟僧猶稱神姓紀也再西則為張公橋道口矣

運瀆水自望仙橋迤西南流過張公橋出鐵窗櫺入於

外濠河

張公橋者一名周家橋不知其所緣起也

迤東南通止馬營

橋坡北有巷西出為禮拜寺巷自巷北轉至古城隍

廟西通衢為堂子大街即漢西門大街也街南有張

炳垣典籍宅

炳垣諱繼庚江甯諸生粵賊踞城時謀翻城應官兵不克而死加典籍銜

忠

義之氣掀天揭地童童銀杏美蔭表門

宅燬殆盡猶餘銀杏一株

如塔其宅後則鐵窗櫺在焉雉堞參差門影猶具下通

涵洞吐納靈潮即古柵塘之故址

建康實錄注吳時夾淮立柵號柵塘

梁天監九年新作緣淮北岸起石頭迄東冶南岸起後渚籬門達於三橋作兩重柵皆施行馬建康志柵塘在秦淮上

宋謂之柵寨門城中水利關繫匪輕宜

塞宜通迄無定論然水由此洩是固為運瀆之尾閘

也宋隆興二年張孝祥知建康府事奏秦淮流經府城正河自鎮淮新橋入江其分派為青溪自天津

橋出柵寨門近地屬有力者築斷每雨水暴過則正河不能急洩水勢於是泛溢城內居民被害今欲復

通柵寨門使青溪徑直入江則城內永無水患及汪澈繼孝祥後詔澈指定以聞澈言開古河道通柵寨

門尤便從之。國朝江甯知府陳公開虞論曰：顧文莊公諸水攷謂城內支河淤塞，久雨泛溢，民間受害。宜從天津橋出柵寨門，直瀉易退，不知青溪必與秦淮合襟，繞南出三山門水關，方環抱有情。故內橋以南，南得環抱力大，中橋以東得合襟力，乃富貴輻輳而各衙門峙焉。再攷古建鐵窗櫺時，水固易退，而秦淮一帶不過洲渚相縈，黃蘆白葦之鄉，其明驗矣。然則今城內支河當濬鐵窗櫺，必不可開，或非無據。莫若於鐵窗櫺設壩一道，若久雨城中淹沒，暫開壩以分洩水勢，少退卽閉，以固其氣云。

鳳志

麓

小

己亥十月  
世珩署

光緒己亥  
可園刊印

鳳麓小志總目

卷首

序

圖 城西南隅街道圖 鳳皇臺圖 愚園圖  
織器圖 製造銀元制錢機器圖

卷一

志地 考街道 考古刹 考園墅

卷二

志人 述歷代名賢 述明代名賢

卷三

志事

記權圃  
鼓鑄

記機業

記諸市

記倡義

記

卷四

志文

錄雜著

錄詩歌

卷末

後序

自序

予旣乘運瀆小志之明年假館李宅居鄰鳳麓山水清  
嘉弦誦餘閒不廢游覽每當春秋佳日輒與李生師葛  
鄭甥鳴之暨兒子詒紱詒祿輩陟躋岡阜蒐勝探奇就  
父老以咨詢感古今之興廢歸卽繙閱故籍證以見聞  
件繫條分慨然有撰述之志因事中輟忽忽十年今夏  
胡碧澂分轉過訪談及西園故實知茲編未卒業要以  
亟成遂從敝篋中檢出散者萃之缺者補之凡三匝月  
粗有端緒分志地志人志事志文四大綱爲考三述二



記五錄二都十有二篇命之曰鳳麓小志其叙云棲鳳  
山岡散爲平麓淮岸城隅天然疆域委巷通衢縱橫南  
北歧中有歧无往不復考街道第一江南佛寺剏自赤  
烏衍及典午寔繁有徒華嚴樓閣起滅須臾夢幻泡影  
理悟真如考古刹第二一壑一邱名流勝踐築作林亭  
賓朋游讌琴契古心酒開缸面紗帽隱囊逍遙自遣考  
園墅弟三名臣宅第高士山邱詩酒幾輩忠節千秋始  
吳迄元歲序悠悠高山仰止式靡振浮迹歷代名賢弟  
四勝代陪京人文所寄勳戚豪華士民都麗將有儒風

官稱仙吏長安洛陽續成後志述明代名賢弟五山川  
氣厚土有沃膏不稼而圃漢陰習勞機心機事恥爲桔  
槔菜根能齧以勵吾曹記灌圃弟六春蠶吐絲衣被天  
下組織成文以求善賈軋軋之聲喧傳比舍雲漢一隅  
明星光射記機業弟七山有材木水有魚蝦采捕人至  
斤罟橫斜載入城市萬口一譁食貨所漑烟火千家記  
諸市弟八天生英豪不矜細行忠義激成遑計身命殺  
賊翻城志在反正九初功虧人難天勝記倡義弟九園  
法久徹市塵苦貧幣分貴賤黃金白銀機器所治效法

西人損上益下惠此編氓記鼓鑄第十溪山遨遊宮室  
建置欲考源流必資文字樂石吉金於斯附麗古人有  
言庶幾不墜錄雜著弟十一流連光景觸事成詩託始  
唐宋有明紹之登高而賦鳳臺尤宜陸離斑駁大放厥  
辭錄詩歌第十二

光緒二十五年秋九月江甯陳作霖識於徵文考獻之  
室

例言

一街巷回環限以尺幅鼓難記里針乏指南遠邇前後率以意定北轍之迷在所不免行道者諒諸

一古蹟所在足備考稽街里表延轉相依附瞭如指掌差免奇零前事之師山經水注而已

一梵刹取其最古者詳爲誌之洛陽伽藍是其摹本若近時諸菴半皆私建婆羅門之外道摩伽登之色身概付闕如免汗毫楮

一右文稽古尤重通今士庶流風農商結習義民反正

工匠趨時近數十年日新月異上政下俗純駁因之  
彙爲志事一編非徒以供談藪也

一古人列傳昉自孫吳名哲代興至明爲盛采從史籍  
旁及稗官雜著詩歌並登於簡若夫 國朝耆舊撰  
述等身蒐訪難周並俟續出

城西南隅街道圖


鳳凰臺圖


愚園圖

織器圖

鑄造銀元制錢機器圖

金陵城西南隅街道圖








鳳皇臺圖

紀功寫










鬼園全圖

西成紀功繪








織器圖

紀功作





江南銀元制

錢局轆

銀片銅片機器

圖其

機器購自英國

博昭敦廠於


光緒丁酉年

冬月開鑄

古虞


呂福侯

厚庵



謹識





鳳麓小志卷一

江甯陳作霖伯雨編

志地

考街道第一

金陵南郭羣山環之而雨花峯為最大其脊曰石子岡

即古之犬長干也稍西曰小長干吳立大市

見宮苑記晉瓦

官寺適當其地寰宇記所謂周迴連三井岡

金陵故事岡有三井

汲一井則二井皆沸故名

邈迤至死馬澗者是已

澗今隔在城外

宋元嘉中

有大鳥二集秣陵永昌里王闔園中李樹上狀如孔雀

眾鳥隨之詔置鳳皇里起臺於山號鳳臺山大江前繞

鷺洲中分最為登眺勝處唐李供奉嘗讌遊其所厥後

渚沚叢生洪流西徙而楊吳築城山勢橫斷鳳臺遂在

城內前臨城墉

自聚寶門至三山門

後俯淮水

自鎮淮橋至西水關

縱橫約

十里許茲山之麓盡是矣蹊谷殊狀高下坡陀曲巷斜

街易迷向背則賴花盃岡為之標識焉

花盃岡者高踞鳳臺山之巔形隆而長

金陵之山土色紅赭東城赤石

磯西城蝦蟆石及茲岡皆然故陶官嘗設於是今城中

築室者率來取土日夕不絕岡之堆阜多成窪缺甚至

毀及墳墓其西為唐上元縣治遺址

光啟中自西州城遷鳳臺之西宋天

禧二年移去  
見景定志

南唐孫太傅晟賜宅在其側

見南唐遺事

稍下

爲宋家園以溧陽宋孝廉獻鷗天館而名又西爲蕭公  
廟所祀者水神也兩廡塑有地獄變相猙獰可畏其旁  
爲柏家苑歐陽巷轉南爲雙石鼓巷稍西爲瓦官寺寺  
本名集慶菴明嘉靖時詔設弘刹僧以瓦官扁其廬得  
免以與山上瓦官寺對故謂之下瓦官泊上瓦官改爲  
鳳游茲寺遂專瓦官之名吳楚之僭王也  
約焦氏筆乘及梵刹志  
直南爲龍王井爲大小沙井大沙井有鐵牌菴又南爲  
蜆子樹爲太平苑爲蔣家園爲豆腐巷西南近城根者

為萬竹園鄧太史旭之宅在焉

旭字元昭江甯人以檢討仕至陝西洮岷道著

有林屋詩集五世孫廷楨號嶰筠總督兩廣時勦英夷有名宅後為粵賊所燬

其左近日斑竹

園則龍孫之別派也幽篁成蔭羣鷺飛翔堪與家謂為

百鳥朝鳳之吉壤兵燹以後亦蕩為瓦礫場矣

右鳳臺山之西

南境

花盞岡一名倉山明驍騎衛屯糧之所也俗呼倉頂金

陵瑣事云倉有一井與江河通大旱不竭井中四方有

鐵金剛託之即此是已

井闌四圍綆痕深入石數寸今尚在

其北又有歪

井稍下為倉坡為倉門口即北走梧桐樹之道也倉山

旁有阮步兵籍墓

明萬厯閒李昭掘得石碣有晉賢阮三字已又得半段曰籍之墓因以為

步兵葬

於此籍生長中原而葬骨江左意者南渡之際舉族

東遷輿櫬以至與

顧文瑗瓦官古迹考名其地為阮生里

直東為杏花村

寰宇志謂為杜牧之沽酒處信然元平章阿魯灰與明

太祖師戰軍敗罹害於此

見客座贅語

白骨青燐景象一變

嘉隆以後補種杏花爛如雲錦士女春遊裙屐復萃焉

東折而南為郝家門樓為鍋底塘為騎馱嶺向有華嚴

僧菴今改為慧月居尼刹月地雲階離切利天尙隔一

界也近城根又有慈月閣比鄰練行迴異瑤光矣自杏

花村北上有妙悟菴鐘魚課誦殿宇精嚴檀越之布施也下為西園塘徐府西花園之塘也左有靈楸廟因樹神而祀也稍東為吳家花園以吳中丞用先園而名也稍南為樂智園轉東為高岡里蓋取鳳鳴之義有神州尼菴又東為梁家巷以明梁茂才素治居此而名所謂曠懷樓也今章廉訪沅陳太守魯之宅在焉沅字荆帆上元人以進士官至山西按察使魯字伯敏江甯人以進士官至杭州知府旁有彌勒菴香火同龕宰官身現參悟其有因乎自倉山東行為閣漏街直南為鳴陽街亦以鳳儀而錫嘉名有胡氏愚園與何氏

銀杏園中隔一巷

名白果樹

花樹交柯矣街以東多委巷為

蔣家苑為高家苑為小王府巷巷有胡太守恩燮之舊

宅太守妾陳女雲姑皆隨其從伯凱封合室殉咸豐癸

丑之難者也再轉為五府橫首西園一名五府園本徐

五公子所創在驍騎倉南此地適當其側也

今譌為五福謬甚

有車給事萬育之宅

萬育字敏州江甯人以庶常官至兵科給事中子鼎晉官編修孫敏

來以舉人官至保德知州題聽事日勿作子孫計是為父母官其循良可想見矣

今已燬又有

亳州福勝二尼菴亳州以舊而衰福勝以新而盛也其

右有謝公祠以奉晉康樂獻武公因墓而祀者也

景定志祠



在城西南隅戒壇院

側唐咸通九年建

墓今名謝公墩

金陵瑣事墓在西園中鳳遊堂後建

園取土時曾見

其墓石遂掩之

前有磚門榜曰六朝古蹟相傳地有古

松下覆二石一曰紫烟一曰雞冠上刊宋人題字明朱

尚書之蕃題曰六朝松石今杳不復見矣自小王府巷

東出為孝順里

道光中李太守璋煜涖郡時有母訟其子忤逆太守親訓導之化而為孝太守

嘉焉故有是名

北轉為荷花塘無花而得塘名也有曾靖毅公

祠

公名貞幹文正公之弟也以知府在營積勞病故

贈按察使銜 以肅清沿江功祀

之與荷花塘並者為戚家村即戚家山麓南唐韓僕射

熙載養病之所也

南唐書臥疾城南戚家山墓誌沒於鳳臺里之官舍以是知戚家山即戚

也家村直東爲水齋菴街街盡爲小門口其南爲庫司坊

明阮大鍼石巢園之所在也穢其名曰袴子褙爲陶

園巷以陶孝廉湘園得名

湘字衡川通經者古與程綿莊齊名有南陶北程之目又

嘗築餘霞閣於益山

園有池咸豐癸丑之變秦文學士科妻何氏

及從妹王女姪瑞芝殉節於是迤東爲響鈴巷爲避駕

營爲甘露巷近城根爲南宮坊中有從容菴又東爲史

巷爲同鄉共井爲陳家牌坊橫貫之者爲飲馬巷轉北

爲侍其巷宋有侍其氏居此多聞人

景定志引

巷盡爲

磨盤街街南有禹王菴額隸爲胡殿撰任輿所書今尙

在街北有焦文學子深合室殉難之宅凡四十人梅刺史

續高之頤園鄰焉

續高字卓菴江甯人幼到出街為鸚

哥巷巷以鳥名從鳳皇之類也直南為三鋪兩個橋地

微隆不見橋迹也有孫學博際雲合室殉難之宅再轉

為七賢坊以阮步兵墓而名也東折為梧桐樹即古之

桐樹灣也或曰以鳳棲而得名街南有武提督泰宅懸

元戎第額今廢迤西有桐芳苑桐樹之分陰也又東見

牌樓則為新橋口矣新橋一名飲虹橋建康實錄古名萬歲橋古

魚市也景定志魚市當東市西市鳳臺鷺洲橋西有文

四方之會今新橋十字街口即其地

孝廟以祀梁昭明太子

見景定志

明李廉訪熙之宅在焉東

出為釣魚臺有圓通菴有湖南會館館為明孔閣部貞

運宅俗呼孔天官家環碧園至今未圯也又東為沙灣

古之永安坊也俗呼沙窩曰沙灣者音以近而轉也有

詩人劉然之宅所謂玉穀堂友聲閣者皆在其中

見金陵詩

徵又東近南門則為鎮淮橋口景定志謂陸平原機宅

乃王處士水亭在今鳳臺山南傍秦淮者其即此處乎

右鳳臺山之東南境

花盞岡一名伏龜山南唐保大十三年山圯得釋寶誌

所埋石函有銘曰乘雞登寶位跨犬出金陵亡國之讖也山有樓亦曰伏龜宋范石湖吳船錄盛稱其形勢同互元衛國公福壽殉節處也岡側有鳳游寺古之瓦官寺也俗謂鳳鳴菴非是寺北爲犁頭尖以路歧得形似也稍北爲半邊街其半依山而轉也又北爲九聖園因九天祠而名也迤東爲九層坡循山而下平地也有大悲菴在其間又東爲玉振街爲太平里爲五老坊數折而南爲仙鶴街仙鶴者鳳之佐也有大隱園實張大令若谷之別業

若谷字稼蘭以賢良方正官嶧縣知縣歸購徐氏大隱園以居子敬字雪鴻以舉人

官房山知縣孫範字墨侯迺者字壽  
民迺軒字虎兒皆以書畫世其家  
粵寇之難其裔某

台門殉難於池中轉西北為鬪雞柵為如意橋為太平

橋無水而空存橋名也有六度巷與善巷皆在其側其

曲折處為財神古道以財神廟由此入也又西為炳靈

公廟廟祀東嶽三郎南唐昇元之所建也  
見南都  
察院志巷盡

為胭脂巷諶大令命年之宅在焉大令母魏兄茂才命

官等皆殉癸丑之難者也  
命年字瑞卿上元人以進士  
官至豐潤知縣嘗捐五千金

為公車  
費者巷內有來鳳泉井闌上篆書三字無年月不知

何代物也  
其一面市人刑安穩大吉四字  
今為貴池劉氏聚學齋所藏其縱橫於巷

西者爲小吉祥街爲五間廳爲蔡一本巷爲竇家巷爲  
小李府巷或通或塞交錯若織非屢至者不能辨也迤  
北爲大小交巷大交巷有半隱巷先祖中翰公讀書之  
所也

見白下  
瑣言

瞻念遺徽肯堂滋愧矣其間有黃冊庫明

藏圖籍之所也北出爲船板巷有防營支應局在對河

牛市所以護衛之也是爲秦淮之南岸焉

右鳳臺山  
之東北境

驍騎倉下地廣數畝可以屯營卽驍騎衛之教場也俗  
呼營上中有善司廟道光末頗著靈應因財神廟址而  
拓之舞優賽會舉國若狂今雖重修無復昔時香火矣

有護國菴禪房花木曲徑通幽道光元年掘得朱子  
游仙詩碑於此一觴一詠益爲名流之所重焉其前爲  
營門口迤西有金粟菴昔杜少陵詠願長康所畫瓦官  
寺維摩云虎頭金粟影神妙獨難忘菴近瓦官故取金  
粟以爲名與又西爲來鳳街仍以鳳名其里也有吳訓  
導繩之宅繩字天一順治時人善課徒與林曠  
字青雷者齊名時有南吳北林之目右轉爲  
雙塘爲奮子巷自金粟菴稍北爲五福街與五福橫首  
異路也又西爲毛家苑其側爲貓魚市爲菱角市存當  
時負販之名也貓魚市有準提菴有海會菴海會靜海



寺之下院也直北為老虎橋有張婁侯昭宅老虎橋者

婁侯橋之轉音也

景定志張子布宅在淮水南瓦官寺張侯橋所橋因宅而名

橋側

有南唐慶王宏茂墓

見南唐書

無從得其處已又北為施家

巷為新盛街迤西為崇恩街有管明經子書合室殉難

之宅為火所燼矣為瑞芝坊出巷為土橋有禮拜寺

回民之所萃也稍西為回龍街有製造銀元制錢局光

緒戊戌年所新創也仿西法以鼓鑄機巧器精其成極

速惟銀元流轉祇在江南不及湖北之治工不脛而走

也其側為蘿蔔地金陵故事所謂羅帛市者亦以音近

而譌也又北為陸家巷舊有明耿御史定向祠其中依仁齋當時築以居陳光廷者施愚山嘗為之作記也

見待

徵錄由巷東貫下浮橋直街而過為大趙府以明趙駙馬

輝居此而名又東為柳葉街由下浮橋岸以達上浮橋

之路也中為渡船口其間有孚泉

見南都察院志

街南有一葦

菴取達摩渡江之義稍東有常平倉故址名實皆廢雖

功令森嚴以積穀為言壯哉雀鼠所耗良多矣

右鳳臺山之西

北境

### 考古刹第二

自南朝諸帝崇尚浮屠臣民波靡習成風俗故金陵塔  
廟甲於天下而最古者莫如建初寺吳大帝赤烏十年  
胡人康僧會入境置經行所有司以聞帝引見具言佛  
教滅度已久惟有舍利可以求請遂於大內立壇結靜  
三七日得之因置建初寺以居胡僧以其在大市後亦  
曰大市寺江東之有佛寺自此始也劉宋元嘉中建鳳  
皇臺於寺側改曰祇園寺有僧求那跋摩駐錫於是文  
帝問曰朕願持齋不殺生命對曰道在心不在事法由  
己不由人且帝王所修與凡庶不同出嘉言行善政刑

不天命役不勞力其持齋大矣其不殺多矣安在輟半  
日之餐全一禽之命然後爲宏濟耶卓哉名言幾於超  
凡入聖已齊太祖爲比邱法願新是寺得外國甄爲白  
塔名白塔寺唐初復名建初開元中改曰長慶韓擇木  
書額南唐保大中齊王景達爲先主重造因名奉先宋  
太平興國時賜額保甯以飲虹橋南保甯坊名也祥符  
六年建練光鳳皇凌虛三亭蘇魏公頌詩有曰臨吳建  
業何人結虛亭勝槩壓危堞卽其題練光亭句也  
寺後又有覽輝亭石刻熙甯三年碑記漫漶不可識亭

見景  
定志

榜乃朱希真之隸書也

見入蜀記

政和七年改釋為道號神

霄宮

神霄宮舊有銅鐘銘

南宋時復舊建炎三年高宗幸江甯權

以寺為行宮旋移蹕府治御座猶留寺中也

高宗草書王安石詩

賜趙搏石刻在寺

寺旁小室曰南軒張浚開督府時其子枳讀

書於此

案天禧寺亦有南軒乃敬夫祠堂與此不同

逮元末寺廢琳宮紺宇

遂併入瓦官寺中矣瓦官寺者晉哀帝興甯二年詔移

陶官於淮水北以南岸地施僧慧力為寺以其本陶官

地故名瓦官

寺本河內山玩墓地僅見梁慧皎高僧傳梵法汰傳別無他書可據

或曰瓦

棺其說甚誕不足信也

金陵志西晉時地產青蓮二朵掘之得瓦棺內見一老僧花從

舌底出詢及父老曰昔有

僧誦法華經卒葬此地

鳳皇臺在正殿之左

寺中有晉義熙

中獅子國所獻玉佛像宋世子義符所鑄丈六銅佛像顧長康所畫維摩像人謂之為三絕

梁時就

建瓦官閣高二百四十尺後西南漸敝至唐開元九年

因風自正平日時影落江水暮則返照入郭唐仁傑詩

雲散復凝千里望日斜常占半城陰其形勢可想見也

寺又藏陳後主羊車一輪武后錦裙一幅鴟吻竹筒中探得王右軍告誓文

楊吳改寺為吳

興南唐改寺為昇元閣名皆隨之而變宋師下江南士

大夫豪民富商之家婦女數千人避難閣上吳越兵舉

火焚之一旦而燼嗚呼慘已太平興國五年復建為崇

勝戒壇院築廬舍那佛閣亦高七丈俗猶呼爲昇元閣

明初奪寺基爲驍騎倉半入魏公園萬厯十九年僧圓

梓募贖其地復創刹焉

寺有明神宗御書五字額及陳皇后所施藏經繡幡米貴人手

書法華經人以比古瓦官三絕

時集慶菴冒瓦官之名而茲院有木樨

一樹古幹槎枒因名曰叢桂菴焦殿撰竝改曰鳳游寺

然里人猶稱之曰上瓦官也以其在西園中遂爲徐氏

家廟每逢六月六日影堂設供袞冕桓圭祖孫合食雖

易代不敢廢也予幼時猶及見之今則破屋數椽而已

夫華嚴樓閣彈指廢興以二千年之禪林尙成幻相而

比邱優婆乃欲別種一因如妙悟菴慧月居者又奚足恃乎故今日所存之梵刹皆散見於街道中不復爲之詳誌云

### 考園墅第三

金陵爲山水之窟其西南隅尤佳六朝以來之名蹟如

晉孫楚酒樓

志云在城西南

劉宋南苑

卽張永乞借者梁改名建興苑志云在瓦官寺

東南唐宋齊邱南園

志云在城西南

宋繡春園

圖在淮水西南

賞心亭

及張詠折柳亭

志云在上下二浮橋之間

皆不能實指其處矣明以

陪京之繁盛士大夫麗都閒雅潤色承平選勝探幽率



在鳳臺左右若乃王侯子弟紗帽隱囊招集賓朋風流

跌宕則徐申之錦衣之西園實為其冠

顧文莊杏村諸園詩序謂其水

木森秀山谷窈窕惜堂宇鉅麗差損山澤閒儀中有古  
枯及石皆宋時物也武倫西園詩注謂宋仁宗為昇王  
時手栽松以賜陶道士即此今松已無  
存而胡氏愚園尚有劉季高題名石焉隔弄為三錦衣

鳳臺園

王弇州名園記所謂奇峯峻嶺參差峩嶷怪  
木素藤膠互映帶者也後廢地屬鳳游寺

又

有四錦衣萬竹園

王弇州謂其地大多種竹

其在仙鶴街者為徐元

超公子大隱園

邢孟貞大隱園詩先公為園肅皇代蓋  
經營於嘉靖中鼎革後猶屬徐姓後張

稼蘭大令居之  
見金氏待徵錄

此皆魏公府之別業也雖齊王孫之同

春園

在沙灣見  
客座贅語

儼若附庸矣至於名公巨德閒宦退居

點綴林泉從容游讌則有張莊節公海石園

在蕭公廟海石高二

丈許徑三尺有咫具四面相玲瓏透漏海氣所蒸五色爛然幽房曲室最為雅靚有清繡堂見白雲私乘何

公露參知鳳嬉園

西北枕鳳臺山亭館池樹參差多致舊為哈氏所創後為方士醒神子館

參知得之小為拓潤有博

雅堂扁乃張即之所書

許長卿典客新舊二園

舊園在驍

騎倉西北為九天祠有堂有閣有亭有軒翼然具體內

繡毬花絕大而茂可與鳳臺西園紫薇競秀新園在張

氏佚園之北本萬竹園地也夷張孚之運使佚園玉爾

曠可數百丈花竹多秀野之致

祝太守園

皆分萬竹園地顧文莊謂其古樹深篁杳然異境

吳本如中丞園

即徐

氏西園也有葆光堂澄懷堂海鷗亭木末亭茶蘼軒

桃花塢梅嶺菊畦荻岸桐舫荂亭南軒雲深處諸勝湯

熙臺太守園

在杏花村口地不甚廣而多嘉樹亭子外老杏數株花時紅霞映地矣

許無

射園

在蕭公廟東入門曲房宛折至迷出路  
轉入廟後地忽宏敞頗以竹樹綴之

張保御園

在許無射園

而顧太初少宰遯園

高處為小石山為橫  
秀閣為郊曠樓種梅

者為月鱗館為快雪堂又有花逕高臥室劈

花舫主之以懶真草堂松竹陰翳最饒勝致與諸弟分

置之園

羽王園在曉騎倉東南有池可種蓮架高閣以  
望東南諸山周南園在歪井修竹數十竿小屋

數椽太復園在九天  
洞之北地尤平曠

即參錯於其中又如文人墨客各

占勝區月夕花晨觴詠間作則吳孔璋孝廉園

園為齊王孫別

業孝廉以善價得之地故倚城

隅多竹與桂望之陰森蔽天日  
卜味齋太學園

在花盞岡西枕

上瓦官寺地既高曠有樓三楹遍  
覽城內外俯視西園如接几案

李象先茂才園

在古瓦官

寺南遯園之右門有長榆數株清陰夾巷舊為甯伯  
鄰書屋僅老梅數株耳象先擴而闢之幽邃有佳趣

陸

文學園

在許典客園南有亭踞水上花架綺寮望之斐然

方子中太學園

在村東城

下古屋數間土垣版扉人不知其中有

武文學園

在下瓦官

園也牡丹極盛雪浪和尚曾寓其中

李氏小園

在湯園之東兩塘相連彎環清泚堤上垂楊大可合抱杏花斜

繁錯以山右

陳淡仙鳳臺寓園

顧夢游集稱其更穿密竹成深坐欲上層

拂水面老幹鐵

方爾止園

在瓦官寺側本宋氏鷗天館也集中有移居詩亦不

其風概可想矣肯多讓焉明社雖墟未遭兵火苔紋草色履迹可尋踵

而築之者又有鄧氏青嶰堂

即萬竹園元昭太史宅

陶氏冰雪窩

即阮氏石巢園也衡川孝廉居之老樹小池盎然古趣

吳岐祥上舍怡園

在護國菴有閣

最高

割青依綠猶不甚荒涼也逮至劫換紅羊古蹟如

洗水石清淑乃畢萃於胡氏之愚園

愚園者煦齋太守之所築也前臨鳴陽街後倚花盆岡門以內構櫺節梲髹漆雕繪南北相向爽塏之屋數重主人奉母居養於內且以安其家室焉由屋西入園曲折繞廊行鑿石曰寄安主人所自書嵌於壁又逶迤西上稍拓爲檻曰分蔭軒置几案數事游者得以少憩鑿壁爲門闔之以示境之不可窮轉而南下至無隱精舍面南屋三楹庭中植桂四五株雜莖雞冠老少年之屬馥烈從風陸離渲雨深秋送涼香色四溢庭左數十步

爲春暉堂其後蒔牡丹數種其前甃石爲池荇藻漾碧  
水清見底池側有小閣窪然居累石中兩旁皆假山崦  
岬欽寄厯落萬狀閣左出乃達於南堂循假山而西磴  
道盤折而躋於巔孤亭聳峙若飛鳥之將翔以機引池  
水爲瀑布返瀉於池錚錚聲若琴筑其東仿倪高士師  
子林壘石空洞曲道宛轉忽升以高忽降以下逕若咫  
尺而不可以跨越游者眙眩幾迷出路壁嵌一石有文  
曰劉季高父徘徊  
洞其旁紹興丁丑六月乙未是卽張乖崖之醉石也  
與西山相對待皆可以來會  
於南堂下斯堂軒豁洞敞列屋延袤爲一園之勝署曰

清遠堂張子青相國所書也其右爲水石居前臨清塘  
大可數畝芙蕖作花疏密閒雜紅房墜粉掩映翠蓋長  
夏南窗畢啟薰風徐來荷香暗襲時有潛魚躍波翠禽  
翔集倚檻披襟溽暑蕩滌塘泛瓜皮小艇可容兩三人  
弄濯於藕花深處新月在天水光上浮絲管競作激越  
音流棲禽驚飛吱吱格格與竹肉之聲相和堂左則連  
闈洞房爲主人操琴之所素心人來時作一弄其上有  
閣可以望假山啟後戶曲徑如羊腸繚以疏籬竹樹蒙  
密中爲竹隴軒窗四闢罨以碧紗綠陰晝靜當暑蕭爽

循籬南行至課耕草堂不翦茨不丹漆規製儉樸略如  
農家列茅亭引水畜鷺鷥正西面塘溉水田畝許種  
黑秬主人或親挽桔槔學灌園秋穫足以供祭就水南  
爲榭居草堂之北陰是爲秋水蒹葭之館水木明瑟湛  
然清華沿塘築長堤夾樹桃柳芙蓉雜花異卉春秋佳  
日燦若雲錦循堤而南不百步有高閣窿然踞岡阜之  
上梅花幾三百本枝幹虬曲如鐵時有清鶴唳聲起於  
梅崦之下登閣而眺東北諸山烟雲出沒如接几席因  
名閣曰延青時見南鄰茂樹拂鬱雲表分蔭軒所以名



也坡陀東下度石橋北與清遠堂正對爲主人家祠歲時聚子弟習禮其中度祠垣得小邱若岬若岳拾級百步許有面東之屋數楹編竹爲藩籬海棠八九株花時嫣紅欲滴爲春睡軒後瞰果圃多桃李梅杏枇杷櫻桃丹黃纍纍鮮美可摘出籬門值塘之東堤堤旁臨水之榭署曰柳岸波光樵包慎伯舊榜而於此地爲特宜隔岸望課耕草堂風景似在村落閒又東一塘相而通之朱橋碧闌橫亘於上泛艇之人往來放歌於其下度橋彎環曲徑葡萄連架覆蔓垂藤重陰蔽日入西向一門

爲樓三楹與水石居相近其中積軸萬卷皮置如屏主人每吟嘯於上弄丹黃也循樓而東直達回廊復與無隱精舍接矣凡斯園之中各據勝概而隱有內外之限自迴廊以西至藏書樓爲內園自書樓以西循長堤東至竹隴爲外園竹塢東出別有門可通往來主人奉板輿之暇樂與賓客觴詠以娛其天也今主人久歸道山每過斯園猶彷彿昔年槃敦之盛云

撮鄧熙之學博愚園記又煦齋主人

愚園雜詠狀園中之景特詳埵錄十八首其春暉堂云堂址廣方丈春光周四圍暖風檻外來惠然吹萊衣娛親進旨酒寸草心依依此中有至樂敢曰酬春暉清遠堂云幽香自遠來開軒挹朝爽日映紅衣鮮露滴翠盤

響倚欄理釣絲登舟弄雙槳見花不見水穿花任來往  
水石居云南窗臨清流北窗對峭石菡萏滿肢塘幽香  
生几席有琴不必彈有棋不必奕客來戒送迎坐臥適  
所適無隱精舍云願聞木犀香廣植木犀樹虛堂敞四  
隅無礙香來路問香有隱否香亦不知故參此木犀禪  
坐挹花閒露分蔭軒云鄰家有古樹未爲劫火摧扶疏  
廣數畝綠陰過牆來因之以爲屋几席生新苔分此一  
半陰護我名花開松顏館云今世交道衰青松落顏色  
我讀浩然詩中懷常惻惻築室爲座銘松顏標其額所  
希總角交切偲至頭白牧亭云不才無所用所牧惟牛  
羊平生差自詡參養諳其方提挈得要領行止能詞良  
是宜順物性不在鞭箠長覓句廊云自號天隨子吟詩  
本偶然有時無一字觸緒忽成篇梅開雪滿地荷香月  
在天巡廊頻索句雪月助清妍愚湖云人笑愚公愚構  
園如移山大智莫若水名愚豈其甘不師柳柳州守拙  
聊自閒且作愚湖長扁舟時往還柳岸波光云臨水起  
孤亭沿堤垂柳深倚闌望明月人影橫波心波光搖月  
光柳陰拂亭陰瘦鶴一聲唳清風滿平林鹿坪云賦性

本疏野所樂在林泉一朝圍以砮毋乃違其天譬彼高  
蹈人竟爲組綬牽僕僕牛馬走何時方息肩嘯臺云山  
巔矗崇臺遠峯羅滿目巍然見孝陵濯濯無寸木弔古  
生悲風興衰如轉轂登臨發長嘯不效嗣宗哭界花橋  
云池水分東西蓮花判紅白中央界小橋儼成兩香國  
界花不界水氤氳無閔隔憑闌左右望粉黛少顏色課  
耕草堂云學仕苦未能秉耒且學稼躬耕此數畝亦復  
忙無暇草堂集婦穉看我親犁耙一笑田舍翁所樂在  
穉稚竹隴云甯可食無肉不可居無竹此語創東坡我  
心久私淑萬竿烟雨深中有數椽屋卓午暑不知清風  
來謾謾小滄浪云髻年住吳門攬勝朝至夕時登滄浪  
亭更覺襟抱適歸來築小園所志在疇昔不須濯足纓  
本未染塵迹小山佳處云洞石奧而曲迤邐東至西山  
巔築小亭四顧樓臺低留人叢桂香時聞幽鳥啼小坐  
亦復佳何事愁攀躋巖窩云疊石爲小山疑是六丁鑿  
就此咫尺地營成千巖壑退步卽進機欲前反後卻行  
行遇坦途迷  
路一朝覺

鳳麓小志卷一終

鳳麓小志卷一終

鳳麓小志卷二

江甯陳作霖伯雨編

志人

述歷代名賢弟四

吳張昭字子布彭城人少好學善隸書從白侯子安受  
左氏春秋博覽眾書與趙昱王朗皆發名友善弱冠察  
孝廉不就刺史陶謙舉茂才不應漢末大亂徐方士民  
避難南土孫策創業命昭爲長史撫軍中郎將升堂拜  
母如比肩之舊文武之事一以委昭策臨亡以弟權託

昭昭率羣臣立而輔之上表漢室下移屬城中外將校各令奉職劉備表權爲車騎將軍昭爲軍師權每田獵乘馬射虎昭切諫尋拜綏遠將軍封由拳侯及置丞相衆議歸昭權不用昭乃上還官位及所統領更拜輔吳將軍改封婁侯在里宅無事乃著春秋左氏傳解及論語注權以公孫淵稱藩遣張彌許晏使遼東昭力止之不從稱疾不朝權恨之以土塞其門昭又於內增土封之淵果殺彌晏權數慰謝昭昭固稱疾篤不起權因出過燒其門欲以恐之昭更閉戶權使人滅火住門良久

昭不得已乃起朝會昭容貌矜嚴有威風權嘗曰孤與  
張公言不敢妄也舉邦憚之年八十一卒諡曰文侯所  
居今名婁侯橋

魏阮籍字嗣宗尉氏人容貌瓌傑志氣宏放傲然自得  
任性不羈博覽羣籍尤好老莊嗜酒能嘯善鼓琴太尉  
蔣濟辟之不就曹爽輔政召爲參軍以疾辭司馬懿爲  
太傅命爲從事中郎高貴鄉公卽位封關內侯徙散騎  
常侍籍本有濟世志屬魏晉之際天下多故名士少有  
全者由是不與世事酣飲爲常嘗游東平樂其風土乞



爲東平相已聞步兵廚營人善釀酒乃求爲步兵校尉  
又能爲青白眼禮法之士嫉之若仇時率意獨駕不由  
徑路車轍所窮輒痛哭而返作咏懷詩八十餘篇景元  
四年卒年五十四有墓在今鳳皇臺畔

晉陸機字士衡吳郡人祖遜吳丞相父抗大司馬機少  
有異才文章冠世抗卒領父兵爲牙門將年二十而吳  
滅退居里第作辨亡論太康末與弟雲入洛造太常張  
華如舊相識吳王晏出鎮淮南以爲郎中趙王倫輔政  
引爲相國參軍豫誅賈謐功賜爵關內侯尋除郎中令

倫誅收付廷尉成都王穎救之得減死徙邊時中國多  
難顧榮戴淵咸勸還吳不聽成都王穎以機參大將軍  
軍事表爲平原內史太安初穎與河間王顥起兵討長  
沙王乂假機後將軍河北大都督乂迎戰於鹿苑機軍  
大敗赴七里澗死者如積爲宦人孟玖所讒穎怒遣牽  
秀收機機歎曰華亭鶴唳豈可復聞乎遂遇害於軍中  
年四十三其宅舊在越城西秦淮水北

謝玄字幼度陽夏人少穎悟叔父安愛之長有經國才  
略初爲桓溫掾桓豁引爲征西司馬領南郡相監北征

諸軍事解彭城圍破秦將俱難於白馬又破之君川進號冠軍領徐州刺史以功封東興縣侯已而苻堅傾國南侵眾號百萬前軍至壽陽詔以安爲征討大都督玄爲前鋒率眾八萬拒之戰於肥水堅眾奔潰玄乘堅喪敗徑造渦潁經略舊都以青兗司豫平加都督七州軍事封康樂縣公會翟遼張願叛玄自以處分失所求解所職不許在道病篤疏十餘上乃轉授散騎常侍左將軍會稽內史尋卒年四十六追贈車騎將軍開府儀同三司諡獻武有祠在今鳳皇臺東

戴逵字安道譙國人少博學善談論多技巧十歲時在  
瓦官寺作畫爲名流所賞嘗以雞卵汁澠白瓦屑作鄭  
玄碑又爲文而自鐫之詞麗器妙時人莫不驚歎師事  
術士范宣宣異之妻以兄女武陵王晞聞其善琴使人  
召之逵對使破琴曰戴安道不爲王門伶人性高絜常  
以禮度自處不爲放逵孝武帝時累以散騎常侍國子  
博士徵辭不就再召爲國子祭酒仍不至會病卒子顥  
字仲若自漢世始有佛像形制未工逵特善其事顥亦  
參焉宋世子義符鑄丈六銅像於瓦官寺旣成面恨瘦

工人不能改願曰非面瘦乃臂胛肥耳及減臂胛瘦患  
卽除與父達俱隱遁有高名

梁伏曼容字公儀安邱人少篤學多技術善音律射馭  
風角醫算無不閑了爲周易毛詩喪服集解老莊論語  
義初仕驃騎行參軍宋明帝好周易嘗集朝臣於清暑  
殿講詔曼容執經曼容美風采明帝以方嵇叔夜使陸  
探微畫叔夜像賜之爲尙書外兵郎與袁粲罷朝相會  
言玄理時論以爲一臺二絕昇明末爲輔國長史南海  
太守至石門作貪泉銘齊建元中上書勸封禪高帝以

其禮難備不從轉太子率更令侍皇太子講衛將軍王  
儉深相愛好建武中拜中散大夫曼容宅在瓦官寺東  
施高坐於聽事有賓客輒升爲講說生徒常數十百人  
梁臺建召拜司徒司馬出爲臨海太守天監元年卒官  
年八十三

唐李白字太白隴西人母夢長庚入懷而生旣長隱居  
岷峨讀書力學州舉有道不就性喜縱橫擊劍爲任俠  
輕財好施客任城與孔巢父等五人居徂徠山日沈飲  
號竹溪六逸天寶初南入會稽尋至長安賀知章見其

文歎曰子謫仙人也言於玄宗召見金鑾殿論當世事  
奏頌一篇帝命賜食親爲調羹有詔供奉翰林白猶時  
與酒徒醉於市帝坐沈香亭意有所感欲得白爲樂章  
馳使召入而白已醉左右以酒頰面稍解援筆成文婉  
麗精切玄宗深愛其才數宴見醉後使高力士脫鞵力  
士恥之因摘詩語以激楊妃帝欲官白妃輒沮之白自  
知不爲親近所容懇乞還山許之白遂浮遊江東嘗乘  
月與崔宗之自采石至金陵著宮錦袍坐舟中屢遊鳳  
皇臺賦詩永王璘重其名強辟爲府僚佐及璘起兵白

逃還彭澤璘誅白當緣坐初白遊并州識郭子儀奇之  
子儀犯法白爲奏免至是子儀請解官以贖白罪有詔  
長流夜郎俄赦還代宗立以左拾遺召而白已前卒年  
六十餘葬姑孰之青山

南唐韓熙載字叔言北海人少隱嵩山舉後唐同光中  
進士父光嗣平盧節度副使因軍推留後明宗討亂誅  
死熙載奔吳初補校書郎出爲滁和常三州從事烈祖  
受禪召爲秘書郎元宗嗣位拜虞部員外郎史館修撰  
賜緋數言朝廷事不見用與宋齊邱尤不合齊邱字子



嵩廬陵人因姚克贍謁烈祖以遊鳳皇臺詩爲贄遂參  
秘書仕至中書令後坐怨望幽死契丹入汴熙載疏請  
北伐不省俄擢知制誥詔命典雅有元和之風坐讒補  
外以原官召還遷郎中賜紫除中書舍人建鐵錢議卽  
拜戶部侍郎充鑄錢使後主踐阼改吏部侍郎秘書監  
新錢行詔賜錢二百萬拜兵部尙書充勤政殿學士承  
旨熙載性高簡江左稱爲韓夫子尤忽細謹老而益甚  
蓄伎四十輩自汚以避入相已而拜中書侍郎充光政  
殿學士承旨開寶三年臥疾卒於鳳臺里之官舍

據徐鉉墓

誌

著有擬議集定居集江南追贈右僕射同平章事諡

文靖

孫晟初名鳳又名忌高密人篤學善文辭少舉進士豪  
舉跌宕不能就繩墨遂棄去南遊廬山爲道士繪詩人  
賈島像置壁閒奉祀惟謹道眾以爲妖驅之北走趙魏  
謁後唐莊宗於鎮州朱守殷守汴晟爲判官守殷反伏  
誅晟亡命陳宋閒安重誨族其家晟渡淮至壽春節度  
使劉金送詣金陵烈祖愛之豫禪代秘計歷中書舍人  
翰林學士中書侍郎元宗立出爲舒州節度使坐事貶

光祿卿卜宅於鳳臺山西壠徙居之日羣僚萃止韓熙載見其門巷卑陋謂之曰湫隘如此豈堪作相第耶舉坐莫喻其旨俄遷左僕射進位司空周師破滁州江左大震以晟使周世宗留之使以樓車載詣壽州城下諭劉仁贍降晟至呼曰無墮臣節援兵卽至矣世宗怒詰之晟曰臣備員唐宰相豈可教節度使叛耶會周將李重進上江南招降蠟書多斥周過世宗怒賜晟死江南贈太傅追封魯國公諡文忠

宋侍其瑀字服之江甯人居永安坊

卽今之侍其巷曾譌爲雉雞者也

崇甯二年進士經行爲鄉里所推工詩有橫塘曲云乳  
鴨唼蒲鷓鴣鳴垂楊踈地飛絮輕長干冶游年少子謁  
來繫馬波鏡明瑣窗綺戶春晝靜歌喉珠串調鸞聲流  
風迴雪舞不停賓主交錯飛百觥青樓壓水水氣橫浙  
波不洗遊人醒行雲未絕日西嶺來照蕭蕭白髮影賀  
鑄嘗艤舟秦淮雪中訪之後又有侍其雲叟工琴有祈  
澤寺招隱詩云擾擾紅塵車馬閒鐘鳴漏盡不知還藏  
蕉誰醒夢中夢飛鏡復歌山上山世事屢驚棋局變浮  
生忍使鬢毛斑淮南桂樹正馨逸寂寞幽人何處攀與

李彭友善彭贈之以詩云君家建業城東頭卷簾臥對  
長淮流除書謗書不到耳空洞腹中無片愁白浪從高  
瓦官閣清夜無人響猿鶴琴聲時復一挑之北斗橫天  
月將落御風過我故山岑一寫太古之清音當春風動  
爲淒緊波底時聞龍一吟坐觀人琴成二妙覺來形穢  
顏枯槁伯牙袖手意有餘請公臨流一舒嘯可以想其  
風趣矣

張拭字敬夫丞相魏公浚子也浚奇愛之自幼所教莫  
非仁義忠孝之道長師胡宏告以孔門論仁親切之旨

益自奮厲以古聖賢自期作希顏錄默爲省警少以蔭  
補承務郎辟宣撫司都督府書寫機宜文字除直秘閣  
孝宗初立浚以樞密使都督江淮開府建康拭隨往內  
贊密謀外參庶務幕府諸賢皆自以爲不及嘗讀書於  
保甯寺方丈小室號曰南軒俄丁父憂服闋拜起居郎  
疏劾張說不當僉書樞密院事且詣朝堂責虞允文曰  
宦官執政自京黼始近習執政自相公始說遂未拜而  
罷乾道八年以左司員外郎兼侍講出知袁州在朝僅  
一年召對至六七所言皆修身務本畏天恤民斥僥倖

屏讒諛故近習皆嚴憚之尋除右文殿修撰淳熙七年卒諡曰宣追贈華陽伯

元福壽唐兀氏早歲知書善辭令由環衛授長甯寺少卿累遷同知樞密院事出爲淮南行省平章至正十四年拜南臺御史大夫守集慶有盜魁陳也先潘甲率眾叩城聲言索軍食守將不知所爲布衣王元吉請曰今城中無一軍而盜悍甚此難與爭鋒公宜開城門陳芻粟車陽以好言給之請一帥以卒來取吾計殺之而制其一人易矣從之果殺潘甲也先遁去由是調集兵食

築石頭斷江面爲守禦計十六年明師大至敗元兵於  
蔣山直抵城下湖廣平章阿魯灰以苗兵來援戰不利  
去至城南杏花村軍變遇害明兵遂拔柵進福壽坐鳳  
皇臺下伏龜樓督戰或勸之遁叱去之竟死其地事聞  
贈衛國公諡忠肅時參政伯家奴治書侍御史賀方達  
魯花赤達尼達思照磨梅實皆同死焉

述明代名賢弟五

徐輝祖中山王達長子也初署左軍都督府事旋襲魏  
國公爵數出練兵山東河北陝西北平還領中軍都督



府建文初加太子太傅靖難兵起命帥師援山東敗燕兵於齊眉山尋召還燕兵渡江猶引眾力戰成祖入京師獨守父祠弗迎於是下吏削爵幽之私第永樂五年卒萬厯中追贈太師諡忠貞輝祖死踰月成祖詔羣臣輝祖雖有罪中山王不可無後遂命輝祖長子欽嗣爵傳子顯宗顯宗弟承宗天順中守備南京兼領中軍府事廉公恤士有賢聲卒子備嗣備字公輔持重善容止弘治十二年給事中胡易以災異陳言下獄上書救之正德中又諫改遊語切直卒贈太傅諡莊靖徐氏自嫡

子襲爵外支庶皆蔭錦衣衛指揮備嫡子壁奎早卒諸  
子天賜字申之官衛僉事能文章喜賓客先是太祖賜  
達第於南京榜曰大功坊世世居之有瞻園亭榭花木  
極盛天賜與諸弟姪復於城東西隅各築別墅東曰小  
蓬萊西曰西園曰鳳臺園曰萬竹園曰大隱園又有莫  
愁湖榭招名流嘯咏其中焉壁奎子鵬舉字篤軒襲爵  
守南京五十餘年法行廩廩姬妾七十餘人最稱福壽  
卒贈太保子邦瑞同邦瑞弟邦甯字仲謚工吟咏著有  
習靜軒稿族弟京字禹量以諸生累舉不第出游吳越

歸而杜門掃軌覃精邃討自號居雲子著有居雲集邦  
瑞子維志維志子弘基字紹公號六岳性敏悟家多藏  
書詩字有晉唐人風崇禎中應天旱疫救荒多善政累  
加太傅十七年聞北都之變感愴卒

趙輝府軍後衛人父和以千戶征交趾沒於陣母孫氏  
以節壽旌輝尙太祖女寶慶公主累官駙馬都尉掌都  
督府事厯事六朝年九十餘至成化十二年卒所畜姬  
妾百餘人有別第在柳葉街

鄒和

或作利

字允達上元人治書景泰四年舉人天順元

年進士由知縣累升都御史性至孝築精舍於鳳臺山  
先塋之西號萬松別墅寫萬壑蒼煙卷以寄慕思又著  
懷仙吟詩十首尙書倪謙與之友善嘗稱其氣節英邁  
磊落不羣云

姚奎字子東應天人以諸生肄業國子監性孝友居父  
喪盡禮事母先意承志撫孤甥以恩工詩善書不好服  
玩法帖名畫鑒玩移日意豁如也鳳皇臺東有老栝一  
株購得其地作候鳳堂因號栝園居士一日忽作歌曰  
高臺峩峩兮蔓草生鳳皇不來兮栝且傾遂卒

李熙字師文上元人弘治五年舉人九年進士除將樂知縣擢御史正德元年九月以災異抗疏請誅劉瑾詔逮至錦衣衛朴三十罷歸踰年瑾復摘牘語文致微過詔於南京午門杖五十時南京禁衛久不用杖乃選卒習之人人爲熙危熙在獄猶爲外舅作壽頌數百言見者歎服瑾誅得禍者皆起熙獨廢居十六年家在新橋西橋舊名飲虹人以熙方嚴峭直因稱爲飲虹先生謂其負氣而善藏也嘉靖初起爲饒州知府遷浙江副使卒著有飲虹遺稿

許穀字仲詒一字石城上元人少從顧璘遊嘉靖四年  
舉於鄉十四年會試第一廷試對策切直讀卷者抑之  
除戶部主事管倉務以清慎稱尋調禮部居父喪哀毀  
不出戶服闋補吏部文選司郎中銓政平以母強氏年  
老乞養拜南京太常少卿改江西提學副使轉南京尙  
寶寺卿致仕家居三十餘年宅近大功坊卽今之  
許家巷築園  
於杏花村四方游宦至者每款接之而不報謁曰林下  
當如是也徵文者屢滿戶外贄金投一竹筩中客至命  
採取之沽酒酣飲以爲常平生坦蕩煦和不設城府然

涇渭了然未嘗苟合凡游博鑿營之技不敢涉其門春  
秋佳日奉母徜徉臺榭間子婦孫曾迭起爲壽母年八  
十考終穀白首盡哀萬厯十三年值登第周甲新舉人  
來謁見其碧眼長頭面白皙而微須以爲神仙中八年  
八十三乃卒著有石城遺稿子恆吉號龍江官上林苑  
簿恆吉子某字長卿官鴻臚寺丞於杏花村復購一園  
所謂典客新園也顧起元詩并咏及之

姚汝循初名理字叙卿南京錦衣衛人嘉靖三十四年  
舉於鄉明年成進士除杞縣知縣年甫冠以簡御煩事

皆辦公餘則與名士謝榛等分韻賦詩俄遷南京刑部  
主事進郎中有奸僧不法置於理都人快之擢知大名  
府擒大盜蔡伯貫境內安堵郡故土城乃伐石開陶築  
牆垣以遏漳流其高倍昔後河溢水不得入會宦族子  
殺人汝循抵以法其黨騰謗京師以浮躁降調民爲建  
生祠去思碑旣歸杜門十年著屏居集用薦起爲桂陽  
州州同轉嘉定知州時越雋用兵饋餉千石瘴癘乘之  
道殣相望汝循遣一吏齎銀往糴遂省千金全活甚眾  
值入覲之期大學士張居正以其過門不入銜之遂坐



驛符事免抵里著歸田集自以居近鳳臺別號鳳麓留心鄉里之事有丁糧議晚好講學年六十三卒著有錦石山房稿又選金陵風雅集七十卷

朱可涅字泉亭齊王搏五世孫也永樂中搏以疑忌暴卒幼子賢懾廢爲庶人幽之西內景泰中出居南京賜以谷庶人三山街里第可涅乃賢懾之曾孫也讀書通大義積勤豐財闢同春園於永安坊以延賓客遠近慕之弟承綵字國華文采風流高自標置嘗於中秋夕開詩社於秦淮會名士張幼于輩百二十人名妓馬湘蘭

以下四十餘人至今豔傳其事可潢字巨源博學工文  
從李登焦竑遊雅好賓客士大夫以得交爲快可潢集  
其投贈之作爲小山元賞

湯有光字孟弢號熙臺溧水人萬厯七年舉人除禮部  
司務游升郎中出補瑞州知府存心撫字不事苛察嘗  
云吾奉命出守爲民非爲名也朔望詣朔宮延見諸生  
講說經義以人品學問相勸擢雲南副使分守迤西致  
仕歸築園於杏花村年八十二卒

王堯封字爾祝上元人幼慧旣補諸生督學耿定向得

所對策拔置高等授以爲學宗旨萬厯元年舉於鄉十一年成進士除戶部主事進郎中其閒管黃土倉督清源鈔務監兌江西條上便宜十三事皆著爲令出爲南昌知府以事降許州州判州民苦糧多逃亡時值編審極意釐剔減下戶舊額民乃歸業豪民侵太昊氏陵奪而復之重修許州志語客曰有此志不負此州矣擢知滄州復謫爲兗州府通判所至皆加意人才留心民隱嘗言明豈能盡奸要在執一實以御百虛法豈能徧有罪貴乎刑一人而萬人懼進南京刑部主事就轉戶部

郎中除思南知府乞休歸購萬竹園居之堯封性好賓  
客自守官以至歸田率以一日造請一日赴客飲一日  
召客酷嗜書緇閱購買無虛日入其庭後堂無絲竹密  
室無裙屐自架書外酒鎗棋局而已每戒子弟曰吾家  
世淳樸勿流於澆世清貧勿汚於利世讀書勿荒於嬉  
時以爲名言卒年七十一撰有學惠齋摘稿

何湛之字公露號矩所江甯人萬厯四年舉於鄉十七  
年成進士除南京刑部主事進郎中築疏園以娛親家  
有鳴鳩亭雍容隨侍其中如爲諸生時與同官捐俸買

白雲菴爲退食地設義冢於鳳臺門作漏澤園記俄丁  
父憂服闋補工部郎中日本封事起疏劾石星誤國罪  
請除戎器戒不虞報聞出爲江西僉事以母喪歸再起  
浙江僉事務以風裁自見搏擊豪強就轉參議調任四  
川未上乞休歸居飲虹橋別業旋被焚買鳳嬉園爲娛  
老計生平扶植名節無錫鑿工婦殉其夫以詩祭之并  
白知縣旌其門吳俗勢家奴多虐里中獨嚴束其僕從  
地方利弊言無隱情復改疏園爲元津書院延四方文  
士肄業其閒工詩善奕草書繪事並臻絕妙晚耽禪悅

兼治養生家言卒之日神檢夷澹人以爲學道之驗云  
著有疏園歸田二稿

吳用先

或作光

字體中一字本如桐城人家應天萬厯二

十年進士歷官僉都御史巡撫四川平時播之亂以病  
乞歸復起爲兵部尙書總督薊遼璫禍起致仕還家居  
西園著有周易箴語寒玉山房集

張文暉字孚之一字華字上元人工吟詠舉萬厯十年  
鄉試二十三年成進士除南京戶部主事進郎中出爲  
台州知府升長蘆運使乞歸購徐氏萬竹園居之鄰人

強與爭一樹老僕不從文暉止之曰家本軍衛三百餘年屬魏國公治下我偶得一官分買其園心頗不安又與人爭樹乎王孫不能守其園我子孫能守此乎遂讓之既得是園顏之曰佚或曰不祥佚人失也未幾遂卒著有應閒齋心集霞起閣文集

顧起元字太初一字鄰初南京金吾衛人萬厯二十五  
年舉於鄉明年會試第一廷對第三除翰林院編修具  
陳祈天永命事宜六條一親郊祀二培祖德三舉賢才  
四恤民隱五清刑獄六省工作疏入不報遷南京國子

監司業歷左諭德右庶子南京國子監祭酒詹事府少

詹事累至吏部左侍郎乞休歸益負重望築遯園於鳳

皇臺側林泉自賞未嘗輕至公庭朝廷欲倚爲相七徵

不起

遯園中有七召亭嘗自撰一聯云林木翳然  
便有濠濮閒想清風徐至自謂羲皇上人

至於

南都利病如兵部快船改馬船絕衛官之苛索兩縣坊

廂準里甲爲條編皆更定良法或妄言復舊以便其私

起元力爭乃止時有方士醒神子居杏花村詐言已爲

威甯伯王越以丹汞房術惑人其門如市起元斥其妄

欲與鄉鄰逐之兵部尙書施某爲之庇醒神子大言曰



顧某亦仙官也惟信道不堅墮此塵劫我正欲度之起  
元大怒曰爾貪財好色是教人殺身之術何神仙之有  
聲其罪於操江守備驅之去天啟中南中將立魏忠賢  
生祠來乞文辭以手疾有門人巡鹽兩淮知其清貧密  
諭商人以重貲求札亦卻之然接引後進孜孜不倦學  
通今古凡考訂成憲皆折衷焉年六十四卒福王時贈  
尙書謚文莊著有中庸外傳顧氏小史金陵古金石考  
說略雪堂隨筆客座贅語涿園漫稿懶真草堂集歸鴻  
館稿武陵稿時與起元鄰近過從者張振英字元度江

甯諸生家徒壁立窗外雜植杞菊左圖右史焚香掃地  
秩如也隙地種竹數十年因號苦竹君詩好林和靖孫  
太初字法雲庵年未四十病酒卒著有潭西集葛如龍  
字雲蒸號元湖上元人性孤貞善飲工詩字宗歐體以  
諸生試不利謝去之居鳳游寺前初治屋曰竹護齋後  
徙於上瓦官寺北麓掘地得泉遂建閣焉年七十餘卒  
沈天挺字生子亦上元人以知縣罷歸適志花木詩酒  
禮法人忌之天界寺僧雪浪言此君胸中無俗韻葉適  
字循甫國子生家本素封而好韻事所居竹石皆有致

李佺字象先應天諸生善談經几席無塵著有竹浪齋  
遂園諸稿汪宗孝字景純新安人性豪俠憂時事孔棘  
期毀家以紓難卜居金陵城南築樓六朝古松下好蓄  
古書畫鼎彝之屬妾孫靈光善鑒別王伯穀以爲今之  
李清照是皆矯矯可傳者也起元弟起鳳字羽王一字  
醒石性孝友事兄如父萬厯二十七年舉於鄉明年成  
進士除大理評事知一獄有冤獨不署活一家數人出  
知嘉興府秀水有富民取他人子爲嗣旣又納妾生子  
沒後嗣子誣妾通僕事上府起鳳駁之嗣子走京師欲

乞其兄起元書不得乃賄吏部遷起鳳湖廣副使尋擢  
鴻臚寺卿以璫禍熾乞歸築園以居爲人外渾內剛尤  
務節儉而族親有緩急則傾囊無德色後無疾而逝起  
柟字周南讀書不求仕進亦有園在驍騎倉北起貞字  
太復性敦厚篤友愛課子弟有法天啟元年舉於鄉除  
台州教授轉國子學正擢戶部員外郎奉命巡淮河漕  
積弊一蘇罷歸築園於九天祠北詩酒自娛年八十二  
卒

張可大字觀甫南京羽林左衛人以本衛千戶舉萬厯

二十九年武會試授建昌守備遷浙江都司僉事分守瓜洲儀真江洋大盜斂迹稅監魯保死淮撫李三才令可大錄其貲保家饋重賄卻不受大學士葉向高過揚見而異之曰此不特良將且良吏也遷劉河游擊改廣東高肇參將奉命征黎用黑番爲導搗滅其巢調浙江舟山地居海中可大條上八議皆碩畫倭犯五罩湖白沙港茶山潭頭連敗之加副總兵舟山城久圯可大築之兩月工竣城內外田數千畝海潮害稼可大築碶蓄淡水遂爲膏腴民稱爲張公碶有海石奇峴輦歸置鳳

臺里園中天啟元年以都指揮掌南京錦衣衛事知事  
歐陽暉以謫至賦詩有陰霾國事非句爲人所告被逮  
可大約束旗尉捐奉助之卜室處其妻子其尙義如此  
尋擢都督僉書南京右府崇禎元年出爲登萊總兵盡  
心海防親歷巡視爲海防圖說上之二年白蓮教餘黨  
圍萊陽可大擊破之焚其六寨斬僞國公二人圍遂解  
京師被兵可大入衛守西直廣甯諸門以功升都督同  
知劉興治反東江奉詔還鎮巡撫孫元化兵多遼人可  
大慮有變屢言之不聽四年進右都督僉書南京左府

兼督池河浦口二營登人泣留之未行而孔有德犯吳  
橋可大欲迎勦爲元化所沮歲將晏有德薄城可大請  
戰元化持撫議不許可大陳利害甚切元化期元日合  
擊復不會可大獨戰屢勝元化部卒夜開門納賊城遂  
陷可大時守水門撫膺大慟解佩劍付旗鼓吳振姬閒  
道走濟南上之還家辭母令弟可度子鹿徵奉之航海  
趨天津手刃其妾陳於署之太平樓遂投繯死事聞贈  
特進榮祿大夫太子少傅諡莊節建祠於雨花山曰旌  
忠可大好學能詩敦節行敬禮士大夫雖在軍旅手不

釋卷有儒將風著有真州婁江電白舟山諸稿白下牟

子駛雪諸集

張怡海石園詩序云海石在海外之廟島西山口內先莊節治兵海上見而賞之座

客曰是屢經匠石之顧卒不可致有宋都統某留題深以爲憾先莊節笑曰物各有緣石丈人得時則駕豈憚一行耶呼健兒試舉之石果移似有神助顧自山巔下視海面可萬丈而羸懸崖絕壁勢不能下有材官應募而出適高麗貢馬船至乃取木於山取纜於船縛木爲梯以纜繫石千人邪許層累漸下穩載入舟先莊節喜甚舉酒醉之曰予與君固有夙緣歷數十年堅臥不起今乃忻然就道耶載歸置清繡堂前未及豎立先莊節殉國事家徒四壁遂鬻此園爲伏闕費而陳幼子怡原自中丞得之此石竟沈埋土中不復能位置矣

名鹿徵字瑤星號白雲初補諸生讀書海石園中凡五

年以父死難廕錦衣千戶流賊陷京師脫歸居雨花山



松風閣國變後守祠不出晚隱攝山不入城市雖日著書秘弗示人卒葬山中其撰述極富尤邃於詩書三禮焉

孔貞運字開仲句容人萬厯四十年舉人四十七年進士以一甲第二授翰林院編修天啟中充經筵展書官崇禎初擢國子監祭酒轉詹事府少詹仍管監事帝臨雍以聖裔賜一品服畿輔被兵條上禦敵諸策尋以憂歸服闋補南京禮部侍郎遷吏部俄拜文淵閣大學士時溫體仁當國欲重治復社值其在告貞運從寬結之

體仁怒語人曰句容亦聽人提索矣已復揭錢謙益鄭  
三俊俱從寬擬適御史郭景昌劾之遂引疾歸有別宅  
在釣魚臺居林下七年會國變莊烈帝哀詔至哭臨慟  
絕不起昇歸絕粒而卒年六十九諡文忠

方文字爾止又名一未字明農號忍冬桐城人少孤長  
有才名與復社幾社相應和汪偉以女妻之遂家金陵  
初居瓦官寺側宋氏鷗天館復移桃葉渡明亡不出嘗  
繪陶淵明杜少陵白香山及已像爲四壬子圖時陳名  
夏過白下乞定其詩執禮甚恭文讀之曰甚善但必改

三字名夏謙曰豈止是顧三字者何也文厲聲曰但須改陳名夏三字耳名夏亦怒曰爾謂我不能殺爾耶拂衣去或咎文文笑曰吾自辨頭來耳公等何憂初從兄孔炤官南太常秋祭挈文至齋宮見羣鹿項懸永樂年金牌後三十年至孝陵又見之伏地不能起尋卒於蕪湖著有龔山集

鳳麓小志卷二終

鳳麓小志卷三

江甯陳作霖伯雨編

志事

記灌圃第六

金陵城西南一隅岡隆谷奧爲長干之分支迴環處每成巨壑山水所經儲以塘灤土氣深厚最宜於蔬習是業者購得嘉種躬親灌漑老圃之利較農爲優其在春風始和冰凍消釋日韭日薑乃始生殖花散金黃莖敷玉碧入市炫新三倍論值南薰司令梅雨連縣匏壺豈

莢藤蔓引牽架蕭束葦散布田閒離離相次若蠶簇然  
秋意乍涼新霜示警瓜疇芋區實垂彌頃籬豆清陰晚  
菘上品鄉味之佳伊誰與並荒寒畦壟倏屆嚴冬劬瓢  
兒菜掇雪裏蒨芹芽蘿蔔色閒白紅其甘媚舌不羨肥  
醲每當晨露未晞夕陽將落擔水荷糞之人往來若織  
不肯息肩力耕者無此勤也至於薺菜苜蓿馬蘭菌菇  
之屬類皆不種而生者則村娃穉子相率成羣遠望如  
蚍蜉螳子蠕蠕浮動攜筐提籠不絕於途而菱蒲菱芡  
宛在水中又必解衣赤足如鳧鴨之出沒乃虛往而實

歸焉蓋其地高而不患潦其塘多而不虞旱其人樸而習於勞其居復近市而易於獲利故雖四時作苦終日泥塗然抱甕餘閒趁墟早散偶徜徉於茶酒社中所謂江南賣菜傭亦有六朝煙水氣也

### 記機業第七

金陵商賈以緞業爲大宗而皆聚於城西南隅者以地多岡阜無潮溼之氣絲經不致霉爛也舊制一戶所領之機不得逾百張以抑兼并過則有罰逮曹尚衣寅奏免額稅其禁遂弛乾嘉間通城機以三萬計其後稍稍

零落然猶萬七八千北趨京師東並遼瀋西北走晉絳  
逾大河上秦雍甘涼西抵巴蜀西南之滇黔南越五嶺  
湖湘豫章兩浙七閩沂淮泗道汝洛冠服鞞履非貢緞  
人或日笑之緞之類有頭號二號三號八絲冒頭而以  
鞞素爲至美其經有萬七千頭者玄緞爲最上天青者  
次之開機之家謂之帳房機戶領織謂之代料織成送  
緞主人校其良楛謂之讐貨其織也必先之以染經經  
以湖絲爲之經旣染分散絡工絡工貧女也日絡三四  
窠絲曰片經曰窠  
百窠爲一椿得錢易米可供一日食於傭力之中

寓恤貧之意焉經篋交齊則植一竿於前兩人對牽之謂之牽經牽畢卽上機接頭新舊並繫兩端相續如新置之機無舊頭可接則必先撈範子然後從交竹中縷縷分出一絲不亂謂之通交而織工乃有所藉手矣

語曰工欲善其事必先利其器織緞之機名目百餘向於高子安中書處得機器譜爰循其次序誌之曰鼎椿

曰跼椿

以石爲之

曰鼎機石曰馬頭曰仙人洞曰豬腳坑曰

腳竹椿曰腳竹釘曰腳竹曰搭馬竹曰機頭曰機身子曰核齒核檔曰筐門曰雞冠曰機頸子曰江楔曰坐板



曰蠟尺也竹曰蠅槽曰局頭曰襯局曰拖機布曰局頭槽

亦名敖口曰穿札曰壓伏曰狗腦曰海底楔曰靠山楔

曰千金椿俗名較門曰較尺曰辮曰辮楔亦名辮仁曰遭線

曰遭線管曰伏辮繩曰和邊繩曰蝦須繩曰腦門曰三

架樑曰鸚哥架曰仙橋曰獅子口曰鴿子籠曰牛眼睛

曰穿心竹曰弓篷也竹曰菱角鉤也鐵曰鴨子鬚曰楔障板

曰隔板曰樓柱曰冲天曰冲天蓋曰橫檔曰千金桶也竹

曰緯曰豬腳盆也木曰豬腳也竹曰豬腳線在綢機曰打絲

板花機曰腰機腳曰腰機橫檔曰筐匣曰筐蓋曰侏儒

曰底條曰釣筐繩曰燕子窩曰護梭板以竹為之曰筐或用銅片

門曰箠曰箠齒曰箠門用馬尾縫曰邊齒曰樟桿曰搭馬曰

鋸子齒曰釣魚竿曰過梭板曰廂板曰邊關龍扞竹小花

機用曰渠楔竹花機曰雲棒竹也曰障曰範子曰範子骸曰

障骸曰範子梁曰龍骨生絲筋用曰脊刺細竹絲以連曰合

檔竹亦名八扇竹曰帶障繩曰釣障繩曰絡腳繩曰肚

帶繩曰釣蔑竹也曰拽範繩曰老鼠尾曰橫眼竹曰立人

曰立人釘曰立人簫曰立人盤石也曰鬼臉曰撞機石曰

立人椿石也曰排雁曰排雁槽曰邊鶩眼曰迪花曰鎗腳

曰羊角曰搭角枋曰鎖鼻曰包迪布曰拖泥曰邊爬曰

縵頭爬曰緯盆曰洋燈鉤

鐵也

曰文刀頭

鐵也

曰渠撒竹

花機

用

曰仙鶴髻

竹也

曰文刀

竹也

又作場所用之物曰平尺曰

上經棍曰縵梭曰交杖竹曰提頭曰挑頭竹曰鈞作線

曰交帶曰鈞杵曰播竿曰拉車橙曰走頭板橙曰沖天

挑頭鈞曰絡筐竹曰絡筐盆亦名蜻蜓曰舌頭曰絡筐

楔曰擡絲碼曰緯車曰緯車橙曰車輪曰麪筋挖曰將

軍柱曰緯釘曰緯弦曰搖手曰緯盆曰梭子曰梭頭

鐵也

曰梭爪曰梭倉曰鶯瘤曰梭門曰梭棕曰梭檯蓋一器

而工聚者機爲多宜其細密精緻爲海內所取資也

機業之興百貨萃焉絲行則在沙灣所以收南鄉之土  
絲也織立緞者以湖絲爲經而緯則用土絲自曾文正  
公開蠶桑局而土絲始多逮沈文肅公永免絲捐而土  
絲大盛當四五月閒鄉人背負而來評論價值比戶皆  
然近乃稍稍減色者殆效西法練絲收繭輩階之厲歟  
染坊則在柳葉街船板巷左近蓋秦淮西流水以之漂  
絲其色黝而明尤於立緞爲宜猶之鎮江大紅常州果  
綠蘇州玉色西湖杭色皆遷地弗能爲良也

李春泉封君云向例

染坊漂絲水涸時在城外恐城內渟水多穢也水漲時在城內以西流水急污濁可隨退潮出關也今城外掃帚巷漂絲馬頭已爲江北灰糞堆所佔染工利於就近無冬無夏皆於新橋上浮橋一帶漂絲致水流垢膩幾不可食是宜復舊制者也至於機房包裹緞匹謂之筒貨表裏皆用絲紙按廣狹計長短裁製合宜每匹必二十張所需極夥故鎮淮橋口及新橋沙灣之紙坊有專供緞賈用者此皆與機業聯事者也若夫儲材待乏如機店梭店篋店簍子綵梭竹器店範子行挑花行拽花行邊線行不過織戶之附庸云爾

記諸市弟八

凡百貨交易之處謂之市金陵人家素無三日之儲故每晨必有市而西南隅得其二一日柴市其自西水關來者爲洲柴江荻則堅而實泡蘆則粗而空葭葦則帶葉而捆以船運入沿河求售至上浮橋而止其自南門來者爲山柴有櫟有檣有楮有橡有松毛皆不材木也餘若紅茅稗秫稽豆稽又雜取於原隰或擔以人或馱以驢率於小門口鳴陽街倉門口賣之亦不過上浮橋而北也蓋居家者喜蘆柴爲其引火易也機戶喜葉柴爲其宿火深也各從其便而已一日魚市自鎮淮橋口

至沙灣飲馬巷口半里而近夾道皆魚盆也粗而肥大  
鼻長數尺者爲鱣鯉白而無鱗者爲鮠鱗金色而脊黑  
者爲青魚深黑者爲螺螄青巨口細鱗者爲鰕首有七  
星而黑者爲烏魚頰首而腥者爲鱧子魚鱧子魚有阜  
白之分阜者則尤腥也鱗細而身扁者爲鰻其小頭而  
闊身者爲縮項鰻脊隆而黑至冬尤肥美者爲鯽春有  
刀鱗夏有鮓有石首秋有鱖皆以時薦新者也口有須  
而金色重至十數斤者爲鯉長身而細鱗者爲白魚似  
白魚而肉稍粗者爲鰻魚亦以冬鮮者也河豚則禁不

入城爲其有毒殺人也每當南門乍啟市聲沸騰荆棘  
鉤衣路如膏滑非舉足便捷者不敢行逮至日逾亭午  
始能雅步從容不與人畜爭路蓋交易者於以退焉忽  
聚忽散如雷電之過而不留噬嗑之義殆有取於是夫

### 記倡義弟九

織機之工素有膂力而性多椎魯俗呼爲機包子

高子安機

業瑣記云機包子之名起於康熙時 聖祖南巡 駐蹕織造署見眾機匠赴工盤辮髮著短禪氣象起起問爲誰左右曰機匠 聖祖笑曰 此豈機包子也故相傳至今云所居皆在新橋上浮橋

以西而下浮橋禮拜寺左近率係回民善拳勇每與無



賴少年結爲死黨以豪俠自矜眾謂之教門中人咸豐  
癸丑春二月粵賊陷金陵掠民爲兵眾競爲逃匿計有  
吳長松者一名復誠字蔚堂行六人皆以吳六稱之本  
緞商也住磨盤街性忠義有謀略上書賊酋謂金陵以機業  
爲首居民習此者半若招集數千人組織緞匹足供諸  
王服御賊因授長松機業總制設館曰機匠衙凡儒士  
及他業懼爲賊虜脅者皆潛身其中於是機匠衙凡數  
千人長松各結以恩義陰與同志秘謀欲請師於大營  
潛結守門賊約期開城內外響應八月上書江甯趙太

守德轍太守時駐涪化鎮以書呈張總統國樑總統謂  
當遣一人與吳某密約然須紳士導之行於是孫上舍

文川胡貳尹恩燮願往

二人後皆保知  
府胡住王府巷

乃命都司李某

挈材官五人易服與偕抵江東門長松已先在相與結  
謀而還歸報向欽帥榮欽帥令恩燮任其事未幾長松  
嗾賊設柴薪衙以取江洲蘆葦而城中婦女老弱皆坐  
空柴船以出水關全活者甚眾既又賺得賊關憑來往  
上新河一帶通報消息以故道路無阻當是時張上舍  
繼庚亦結得居民及僞水營凡萬餘人謀翻城使金和

李鈞祥何師孟謝學元

皆諸生

投謁馬翼長龍營翼長疑

不納俄水營事洩死者八百餘人繼庚以贖名幸免會

回民宛正龍

住下浮橋禮拜寺側

為繼庚送書至言賊中事甚悉

向欽帥乃令恩燮持回諭及印布給之繼庚於是始與

長松合謀惟欽帥本無意於復城第欲羈縻諸人故期

約屢爽十二月長松復上書獻城亦不報而繼庚等志

益堅有張士義者無賴子也乳名丫頭向為下浮橋輿

夫橫於閭里然有肝膽事母孝浮沈賊中近一年終不

為賊用繼庚訪壯士於劉隆舒隆舒以士義對繼庚親

往邀之且許爲養其母士義慨然許諾甲寅正月繼庚  
爲賊所狙伺被執歷受酷刑訖不承內應事同志日繞  
戶外探之繼庚顧見長松自言曰天氣晴和宜促眾兄  
弟速作工蓋隱語也長松亟結得斬關者四十八人請  
大營選膽壯者數人潛入佐之期於二月二十三日集  
神策門官兵聞賊營空礮而進於是田少尉玉梅請行  
汪汝桂等八人從之玉梅裹紅巾挺身從長松入不數  
日出言賊情如繪引謁向欽帥欽帥令玉梅等復入檄  
恩燮送火箭噴筒一石交長松二十二日張總統率驍

將曾達楊老嘉等爲前軍恩燮導之行三更起隊四更  
抵神策門總統肩大木爲橋曾達等蛇行緣木度河潛  
伏恩燮越塹傷足楊老嘉挾以行約五更聞空礮一聲  
時微月初明仰見城上人往來有呼殺聲旋聞如陶器  
擲入水中者城仍不開無何呼嘯四起環城角聲嗚嗚  
而城外賊營亦驚起開有子礮總統知事不濟遂焚買  
賣街全師而退先是玉梅等八人入城柳茂才之麒導  
之合城中壯士五十七人歃血盟機匠衙人居其半張  
士義劉隆舒呂長興等率之日向暮集柴薪衙偵探神

策門狀見匠方斲木樹柵夜四鼓眾持械過百子亭一賊如廁眾曰彼見我矣急斫之賊仆眾趨至門柵已成有賊臥柵內環以銀鎗鎖其上遂共登城大呼曰官兵至矣守礮賊問何在曰在是遂斫之有繼起者再斫之凡殺六人聞如陶器擲入水中聲皆賊首也城上人無敢出者復下城奪柵柵不可拔焚以火不然臥賊紛起抽矛透柵而刺眾不能進而賊已大至勢無如何乃皆潛引去賊見柵如故而死者狼籍知有內應閉城大索不得懸重賞購之於是張士義劉隆舒呂長興皆被執

賊以毒刑拷掠俱無所洩賊遂鬻士義而隆舒長與剖  
腹死與長松同劾機匠衙者朱碩齡亦罹其禍賊以內  
應事有徵愈嚴訊繼庚繼庚卒無辭北賊檄降官胡元  
煒來問繼庚遂指悍賊三十四人爲同黨北賊駢誅之  
已而悟爲所給乃趣磔繼庚綜而計之遇害者一百餘  
人賊旣不得主名仍傳令各館領僞翼王憑帖無者送  
僞刑院嚴訊長松先領數百紙付諸同志復保僞刑院  
數十人以出時玉梅髮短語異立通衢手執憑帖見賊  
往來反盤詰之賊竟無知者旋偕汪汝桂等七人出

汝桂

字燕山上元人力能扛鼎而長松亦跳兔是役也周旋善畫美人後保至知府

於繼庚長松之間者惟恩燮實始終之凡微服入賊巢者三十六次艱苦備嘗而功卒不就其天未厭亂也夫恩燮字煦齋江甯人卽他日築愚園以奉親者也著有患難一家言敘內應事特詳蓋身與其事非僅得諸傳聞者予故撮而敘之俾知鳳山淮水之間大有人在

### 記鼓鑄第十

泰西以工商立國而中國效之欲奪其互市之利以銀元相灌輸於是鼓鑄之事興考呂宋人面之銀元甲國



人謂之本洋英人單鷹之銀元中國人謂之鷹洋皆重

七錢三分以之易錢則本洋貴而鷹洋賤近來市塵通

用鷹洋惟鄉人或本洋張尙書之洞開府湖北因仿

其式以鑄銀元上印龍形謂之龍洋廣東安徽踵行之

而江南亦立局焉局設於回龍街在淮水之西南傍倚

城墉周環以牆規模極為宏敞其鑄銀之所前有物料

庫四間稍進為化學堂洋人看銀色處為寫字房洋人辦公處而諸

廠分列者曰鎔銀廠內有鑄銀條模二座曰鑿銀廠曰碾片廠內

軸齒輪全副剪銀片機內有造銅曰較準廠曰壓模廠內有造銅器一座并引擎一副

壓一  
座 曰印花廠內有印大小洋花紋機器八座并引擎一副 曰春餅光邊廠

內有春銀餅機器二座 曰烘洗廠內有烘銀餅爐一座 曰副壓邊紋機器二座 洗淨銀餅器皿全副 曰

搖光廠內有搖光銀餅桶二隻 曰數銀餅廠而小鍋爐煤炭房水

臺皆參於其間最後有洋式樓房五楹蓋洋人憩息之

地也夫銀元為上幣制錢為下幣中國相傳之法非以

調劑其輕重乎今市塵錢亦極貴矣既鑄銀不得不鑄

錢於是乎又有鑄錢之所其以火運機者為大氣鍋爐

一座每日放號氣即在此 為回火爐一座燒銅片烘銅餅用 為大煙囪一

座又有電氣房電氣燈用 儲水池并上水機器亭坎離交濟

之用也至於諸廠之中曰打鐵廠曰修理機器廠內有磨刀

機器一座其銀局所無者也曰鎔銅南北二廠內有鎔銅條模

餘名目甚多各數曰車壓錢模廠內有造銅條大螺螄壓一座曰印紋廠內有捶錢紋機

十副器八十架印錢紋機名與銀局稍異者也曰碾片廠內有

器十座并引擎一副軸齒輪全副翦銅片機器一座內有春銅餅

并引擎一副上水機器全副及方孔機器曰春餅廠

六座曰烘洗搖光廠內有烘銅餅爐一座洗淨銅餅名與

銀局從同者也兩局之大致如此要之以銀鑄龍洋則

準銀值而有餘以銅鑄制錢則準銅值而不足惟取銀

值所贏之強半抵銅值所虧之少半以消息之則有益

於民而并無損於國以視歐洲之專以罔利者固大有  
閒矣所願主持局務者善識此意也

鳳麓小志卷三終

鳳麓小志卷四

江甯陳作霖伯雨編

志文

錄雜著第十一

宋黃庭堅保甯寺練光亭題辭云練光亭極是登臨勝處然高寒不可久處若於亭北穿土石作一幽房置茶爐設明窗瓦墩殊勝不爾師方丈北挾有屋兩楹其一開軒其一作虛窗奧室余爲名軒曰物外主人喜作詩也名室曰凝香密而清明於事稱也

月有月、二、元、卷四  
葉夢得保甯寺輪藏記云維摩氏極天下之辯而反之於默其爲法名之曰不二夫不二卽一矣不言其一而言不二豈以一猶爲有在者歟道未始有二也旣以有物不得不裂爲二彼自爲二而吾強欲一之必有廢其一以成其二者非道之全也要有非一而不二者存焉爾何特維摩氏爲然孔子曰有鄙夫問於我空空如也我叩其兩端而竭焉空空云者豈有物實之者哉然猶意其墮於一也則叩之以兩端蓋維摩氏所謂不二法叩之兩端而知其所解則以吾之所知證彼之所知可

一舉而盡矣之人也謂之鄙夫則可謂之君子則不可佛以無所言而爲一切眾生無所不言以爲有言不言是顛倒見以爲無言不言是斷滅見孰能辯其非一而不二者乎自漢永平爲佛者始持其書入中國由晉宋厯唐至於今不絕梵語華言更相發明傳其學者又從而申衍之其說遂充滿天下輯而藏之皆設爲峻宇高甍雕刻綵繒備眾寶以爲飾竭眾巧以爲工苟可以莊嚴者無不至梁普通復有異人爲之轉輪以運之其致意深矣吾少時見四方爲轉輪藏者無幾比年以來所



在大都邑下至窮山深谷號爲蘭若十而六七吹蠡伐鼓音聲相聞襁負金帛踵躡戶外可謂甚盛然未必皆達其言尊其教也施者假之以徼福造者因之以求利浸浸日遠其本建康府保甯寺當承平時於江左爲名刹更兵火久廢今長老懷祖守其故址於煨燼之餘十有四年堂殿門廡追復其舊而一新之最後作轉輪藏余鎮建康時見其始經營後四年余歸石林祖以書來告曰藏成矣幸得記其本末祖蓋以正法眼傳其心者其爲人潔而通靖深而敏非徒以有爲作佛事者也乃

爲推其師之言合諸儒之說正佛之所以言以曉世俗之弊祖當益以是振之夫方無所言則維摩氏之默如太阿難等得道受記諸大弟子皆不任問疾及其無所不言則雖觀世音亦從聞所聞而入爾乃寺之興廢係其時人之施舍係其力有不必記故不書

鄭之翰重修謝將軍廟記云昔典午氏之東苻秦不庭空國南下淮淝之役將軍談笑而卻之其功係諸生靈其名播之天下其行事焜耀於史冊廟貌血食垂榮無疆此固不待記而傳不因文而顯也有唐咸通九載肇

祀將軍於城西南隅今統司中軍講武堂之右是其故  
址皇宋乾道間統制魯侯安仁覩其堂堙淺隘日近塵  
囂練習戒期往來雜沓迺改卜峻地用恢前規崇基峙  
鳳集之臺勝勢接龍盤之阜然庭宇已成而不揭其號  
珉石旣具而未刊其辭雖鴻勳偉績顯晦不在於斯而  
歲月無傳蹤跡莫攷亦非所以垂方來示永久也闕典  
未備因循逮今丁己之夏適值風雨飄搖祠門俄圯統  
領張辰會諸將校而言曰厥今王業偏安驕虜未殄於  
斯之時政宜戮力一心仰慕前烈將軍之廟不克修葺

則何以繼魯侯崇奉之志慰忠臣奮激之心乎迺相與  
出俸資鳩工徒易其舊閼表以新額築植告備赫然改  
觀嗚呼提八千之眾破百萬之兵以生前之忠勇爲身  
後之英靈草木皆人形風鶴皆軍聲俾幽冥之昭格矧  
躬於神明將見壯我軍容肅我行壘保佑社稷奠安邊  
陲其有望於將軍者如此於是乎書時慶元四年歲次  
戊午三月朔日

劉叔向重建鎮淮飲虹二橋記云金陵爲古天險之區  
城郭宮室凡幾變矣而秦淮則猶故也跨淮而濟有橋

曰鎮淮在吳爲南津大桁在晉爲朱雀航曰飲虹在晉  
宋閒爲萬歲橋據都邑之衝屹波流之湍車馬如雲千  
艘鱗鱗北拱行闕鯨臥虎蹲此二橋者蓋與秦淮相終  
始而邦人所恃以爲安也歲在己丑今留守敷學侍郎  
邱公以倫魁入幕府覩斯橋之將顛毅然取而更造之  
規摹調度有公所述豐碑在焉後三十五年縮麟符而  
來則橋非舊矣乃庀工度材徹舊架新廣袤一視前日  
惟剏二祠於鎮淮之上漸復晉人銅雀觀之遺意南兩  
亭各浚巨井以濟民之乏經始於嘉泰甲子十月庚戌

明年乙丑三月丁卯橋成會其費爲緡錢萬四千有畸而錙銖不以累諸人也嗟乎物之興廢豈偶然哉韓文公記王中丞新修滕王閣有曰此屋不修且壞前公爲從事此邦適治新之公所爲文實書在壁今三十年而公來爲邦伯又易新之維此二橋與滕閣之事適相似然惜不得當代宗工鉅儒如文公者大書特書之爾時開禧改元三月望日

馬光祖重建鳳皇臺記云尙書戶部員外郎倪公以總領淮西軍馬錢糧兼漕江東金陵郡其治所也治以簡

靜賦平人和故得休其暇日考卜惟勝作鳳皇臺臺舊  
在郡西南隅保甯寺側余嘗剝蘚尋碑訪古訂實而老  
禪宿衲無能道者雖圖經載宋元嘉中因神爵至而臺  
得名然寺之涓熙壁記乃謂晉升平已有臺元嘉時王  
顛復面臺締樓我朝祥符閒又嘗著亭於斯斯樓斯亭  
咸以鳳字星移境換鳳去臺空於是蕪沒於屯煙戍火  
之場矣今臺蓋唐布政臺也後世因以存古焉然而風  
隳雨毀漫漶不鮮棟撓級夷荒穢弗治騷人勝士顧瞻  
徊徨率不得以極其游覽之娛盡登臨之美後觀得無

廢乎公乃凌氛埃登亢爽腐折斯革破缺用完碧欄螭  
飛萬瓦鱗次然後幽想逸發神游飄蕭煙雲徐來風雨  
在下遙青遠白刻露清高沙鷺水鳧油浣飛泳龍腰鶴  
膝俯伏後先而夕陽衰草之悲夜月寒沙之恨亦紛紛  
落研席間矣公於是舉酒觴客撫飛軒而浩歌白也之  
詩聲運林木吳時花草亦不覺爲之出色也客有屬而  
和者曰臺峩峩兮山之陽招桂樛兮芳菲彌章日五色  
兮雲飛揚嘻鳳皇兮胡不來翔臺巍巍兮山之扉膏吾  
車兮天風吹衣鷺在笄兮烏潛飛噫鳳皇兮胡不來儀



公聞之曰梧桐生矣子姑醉公錢塘人名屋宇泰定時  
開慶元年夏四月

明文翔鳳游鳳皇臺瓦官寺記云讀太白鳳皇臺之詠  
想見二水三山又讀瓦官寺橫江館諸詩至大風三日  
吹倒山白浪高於瓦官閣意此閣之峻危必當長江之  
澣與鳳臺各據一奇頃入金陵詢鳳臺則曰在瓦官甚  
駭奇之寺在城之西南隅七月二十四日自大中橋西  
寓南馳沿秦淮水閱大功坊西抵驍騎倉得崇岡曰花  
蓋志則稱三井岡瓦官寺有三井在岡而汲其一則兩

井卽沸今爲倉有矣岡盡而南有直西而立者上瓦官寺也入寺有留香室小坐蓋一老桂婆娑欲花而寺舊入魏國園曰叢桂菴云殿左爲鳳皇臺則荒邱一坏據岡際登臨所見信如李詩所謂鍾山開北戶淮水入南榮而南顧則木末亭與雨花臺并出城堞之杪由上寺南行數十武有徑直西窈窕入寺下瓦官也當門有修竹一林可戀登大藏閣卽王元美所顏青蓮閣以表太白者而左方則有軒可坐前有雙芭蕉可數圍晏坐終日奕竟爲七言近體一章以去顧太初詩有刻玉遠移

獅子國布金高傍鳳皇臺之句可謂實錄蓋下寺爲積善菴而稱瓦官則以元美伯玉葛祠部始據鳳臺以叢桂菴爲其地更名上下以釋辯囿瓦官本晉陶官地而他稗稱瓦棺以僧舌本生蓮花者不可信今稱鳳皇臺瓦官寺云閣本高二百四十尺故李詩之壯語至云兩廊振法鼓四角吹風箏杳出霄漢上仰攀日月行雷作百山動神扶萬栱傾靈光何足貴長此鎮吳京今空憶巋然之觀而江流昔迫閣麓今去遠甚匪惟人事亦地氣焉予詩云百尺雕闌歸寥廓一拳芳榭想清狂者蓋

千載之餘慨寺所稱三絕如獅子國之刻玉佛戴安道  
之丈六銅佛顧長康之維摩圖爲杜少陵所乞樣本者  
并非徒談而謫仙之句齒頰欲新金陵六朝佳麗之鄉  
以筆管飛色予欲謀諸同好爲亭以冠臺僧亦云有欲  
并爲祠祀太白者姑紀其行迹爲記

焦竑重建鳳游寺碑記云都城西南隅別開一境崇岡  
曲折林麓翳然爲杏花村其地逶迤相屬最幽曠傳以  
爲古瓦官寺遺址有臺特起憑高遠矚爲鳳皇臺宋元  
嘉間秣陵王覲數見三異鳥集此山狀如孔雀羽毛絢

爛音聲諧和眾鳥附翼羣集時謂之鳳乃置鳳皇里築臺因以爲名唐李太白詩所謂鳳皇臺上鳳皇遊者是也國朝以來環臺地舊爲魏國徐公園亭館池沼備遊觀之勝後歸其族子積漸荒蕪稍因其存者葺爲菴植桂於旁名曰叢桂然僅數椽殊湫隘菴四周地雖廣而鞠爲茂草之區爲日已久嘉隆閒僧圓梓明澄遞爲菴主念此地爲古勝蹟圖徹而新之以供焚修請於魏公許捐金還其故地而其門下陳源陳淳各經紀其事布施贊成爰大興梵刹而向之廢者轉成壯麗金碧燦煥

豁然改觀矣爲金剛殿爲天王殿爲大佛殿爲左右殿  
爲藏經閣暨夫庖湏筦庫客寮僧室莫不精飾臺之下  
池十餘畝爲放生池築牆數百堵以固其藩凡營建積  
數十年頃者更加募造爲左右禪堂爲鐘鼓樓爲水陸  
變相一百五十軸以修無遮大會則明澄之徒真元真  
明眞授及如瑄等相繼而有成者也前是魏公於臺之  
左里許建積慶菴掘地得昇元石像云此卽瓦官寺址  
因改菴名古瓦官寺丁未後叢桂菴增建與積慶菴對  
峙祠部謂皆瓦官舊地易叢桂曰上瓦官寺余比者偶

與祠部朱君言及兩寺一名且增一上字似屬無據茲實因臺爲寺沿鳳集之遺蹤儼天竺之淨土曷若以鳳游名之則梵刹之莊嚴直與山川增麗而勝蹟依然正可與古瓦官並遂擬以新額易之寺僧謂不可無記余按此一臺也去元嘉千餘年而爲魏公園從幽徑古邱之舊開嘯歌眺聽之場然非久而湮矣今去數十年而爲鳳游寺從頽垣野草之墟結禮佛參禪之所視昔日不啻有加焉望之而淒然感廢興之不常弔遐蹤之莫挽後有攬者將與臨風而一歎也

顧起元遯園記云園何以名遯志遯也遯矣園云乎哉  
遯於志惟園寄之故曰遯非待園而遯也遯之爲言也  
見幾則嘉冥舉則肥尾則厲主人方且朝於籍市於居  
矣陸沈之未知奚其遯志遯也遯之志三曰靜曰嬾曰  
病靜不任囂嬾不任役病不任勞惟損之而不得也嘗  
思休乎山樊逃於空虛無人之境而適焉楚然之音曠  
乎其不與耳構也聊戾寂寞人之所辟不處者意乃欣  
欣然安之自以爲有餘自其居是園也冠蓋之至者歲  
不纍二三竿牘之至者季不纍六七杯鎗之至者月不



曩一二可以息機可以謝事可以養疴吾之遯於是焉  
攸寄故名遯豈有待哉雖然聖人蓋游於物之所不得  
遯而皆存與化爲體無所藏而任之故囂寂役止勞佚  
一適於自然之塗而不以內撓眊其所遯者而不得矣  
彼且波流風靡居其極者自如豈必拱默乎山林之中  
而後爲無悶哉嗟茲乎余之於遯也夫毋乃耽其迹也  
夫

錄詩歌弟十二

唐李白橫江詞之一云人道橫江好儂道橫江惡一風

三日吹倒山白浪高於瓦官閣登瓦官閣云晨登瓦官  
閣極眺金陵城鍾山對北戶淮水入南榮漫漫雨花落  
嘈嘈天樂鳴兩廊振法鼓四角吟風箏杳出霄漢上仰  
攀日月行山空霸氣滅地古寒陰生寥廓雲海晚蒼茫  
宮觀平門餘闔闔字樓識鳳皇名雷作百山動神扶萬  
棋傾靈光何足貴長此鎮吳京登鳳皇臺云鳳皇臺上  
鳳皇遊鳳去臺空江自流吳宮花草埋幽徑晉代衣冠  
成古邱三山半落青天外二水中分白鷺洲總爲浮雲  
能蔽日長安不見使人愁鳳皇臺置酒云置酒延落景

金陵鳳皇臺長波寫萬古心與雲俱開借問往昔時鳳  
皇爲誰來鳳皇去已久正當今日迴明君越羲軒天老  
坐三台豪士無所用彈弦醉金壘東風吹山花安可不  
盡杯六帝沒幽草深宮冥綠苔置酒勿復道歌鐘但相  
催題金陵王處士水亭  
此亭蓋齊朝南苑  
又爲陸機故宅云王子耽玄  
言賢豪多在門好鵝尋道士愛竹嘯名園樹色老荒苑  
池光蕩華軒北堂見明月更憶陸平原掃拭青玉簞爲  
余置金尊醉罷欲歸去花枝宿鳥喧何時復來此再得

洗鬢煩

杜牧清明云清明時節雨紛紛路上行人欲斷魂借問  
酒家何處有牧童遙指杏花村

羅隱瓦官閣云下盤雲跡上雲浮偶逐僧行步步愁暫  
憩已知須用意漸來爭忍不迴頭煙鐘樹老重江晚林  
鐸風輕四境秋懶指臺城更東望鵲飛龍鬪盡荒邱

南唐宋齊邱題鳳皇臺亭子獻使君云嗟峨壓洪泉峯  
峇撐碧落宜哉秦始皇不驅亦不鑿上有布政臺八顧  
皆城郭山蹙龍虎健水黑螭蜃作白虹欲吞人赤驥相  
燂爍畫棟泥金碧石路盤燒塢倒挂哭月猿危立思天

鶴鑿池養蛟龍栽桐棲鸞鴛梁間燕教雛石罅蛇懸殼  
養花如養賢去草如去惡日晚嚴城鼓風來蕭寺鐸掃  
地驅塵埃翦蒿除鳥雀金桃帶葉摘綠李和衣嚼貞竹  
無盛衰媚柳先搖落塵飛景陽井草合臨春閣芙蓉如  
佳人回首似調謔當軒有直道無人肯駐腳夜半鼠窸  
窣天陰鬼敲啄松孤不易立石醜難安著自憐啄木鳥  
去蠹終不錯晚風吹梧桐樹頭鳴曝曝峩峩江令石青  
苔何淡薄不話興亡事舉首思渺邈吁哉未到此褊劣  
同尺蠖籠鶴羨鳧毛猛虎愛蝸角一日賢太守與我觀

橐籥往往獨自語天帝相唯諾風雲偶不來寰宇銷一  
略我欲烹長鯨四海爲鼎鑊我欲取大鵬天地爲矰繳  
安得生羽翰雄飛上寥廓

李建勳登昇元閣云登高始覺太虛寬白雪須知唱和  
難雲度瑣窗金榜濕月移珠箔水精寒九天星象簾前  
見六代城池直下觀惟有上層人未到金烏展翅拂闌  
干登鳳皇臺云臺上西風急來遊悟昨非依然龍虎踞  
不見鳳皇飛樹密遮殘靄江寒浸落暉中原在何處目  
斷雁來稀

徐鉉題伏龜樓北隅云茲山信岑寂陰崖積蒼翠水石  
何必多苑有千巖意孰知近人境旦暮含佳氣池影搖  
輕風林光澹新霽支頤藉芳草自足忘世事未得歸去  
來聊爲宴居地

宋曾肇登鳳皇臺云簫聲無復到層臺畫棟空餘燕雀  
來我是鳳皇池上客等閒汀鷺莫相猜

郭功甫遊鳳皇臺用李太白韻云高臺不見鳳皇遊浩  
浩長江入海流舞罷青娥同去國戰殘白骨尙盈邱風  
搖落日催行棹湖擁新沙換故洲結綺臨春無處問年

年芳草向人愁

任斯菴鳳皇臺懷古云只爲羊車戀靚妝倉皇合殿燭  
無光宮中不解嫁鸚鵡臺上安能來鳳皇

建炎中金人犯建康以張太師爲守一日登鳳皇臺賦  
詩云六代興亡地千年一瞬間無情是江水終日對鍾  
山烽火連吳越旌旗耀海蠻鳳兮今不至百尺古臺閒  
楊萬里登鳳皇臺云千年百尺鳳皇臺送盡潮回鳳不  
回白鷺北頭江草合烏衣西面杏花開龍蟠虎踞山川  
在古往今來鼓角哀只有謫仙留句處春風掌管拂蛛



煤

劉桀鳳皇臺秋感云鳳臺何亭亭迴與雨花對憑高一  
登眺秋事渺無際鷺洲賞心前牛首秦淮外萬疊雲稼  
橫百纜風檣會睠言簿書隙載酒邀華旆翰林詩百篇  
生公法三昧皮膚雖不似妙趣總相類懷古睇平蕪可  
但高李輩憶昔耿與韓造膝陳大計高光課厥成一語  
不相戾江淮今清晏河路尙腥穢蛇豕相噬吞天已厭  
戎裔箕斂民弗堪惡稔將自斃憤激聞雞舞慷慨中流  
誓尺箠仗皇靈喋血誓其背燕然彼有石深刻詔來世

兵強在食足萬竈餘廩膾叶奏鄧侯功接武文石陛  
曾極昇元閣弔古云摩挲石柱蘚痕斑亡國如鴻去不  
還無復切雲三百尺祇傳風鐸在人間題謝將軍廟云  
兒輩能軍國未危更令朱序助聲威秦人若也全師集  
雲母車盛晉鼎歸題梁文孝廟云德隱前星民已和山  
隈水曲廟何多皇孫不得承天統猶使而翁恨蠟鷺  
王遂登鳳皇臺云天連宮闕雲煙溼地接淮山日月低  
不知何處兩黃鵠飛向白雲雲外歸鳳皇皇臺望月云天  
上十分月人間一半秋笙歌傳小寨燈火認層樓酒怕

初斟滿棋欣未了收分明渾似水只是欠雙鷗

劉克莊鳳皇臺晚眺云經月疏行臺上路秣陵城郭忽  
秋風馬嘶衛霍空營裏螢起齊梁廢苑中野寺舊曾開  
玉帳翠華人不幸離宮小儒記得隆興事閒對山僧說  
魏公

劉過登昇元閣云腳力倦矣盍少休侵晨更上昇元遊  
眼中已不見二百四十尺之高樓但見炊煙萬竈宿貔貅  
上有啼雅噪鵲如泣訴下有老樹根據枝相樛想其  
結締初匠石巧與造物侔桷榱枅栱不知幾大木一木

牽挽迴萬牛山川退聽左右受約束日月烏兔早暮東  
西流阿房之旗矗立矯如戟臨春結綺望仙三閣俱下  
頭太行孟門培塿而已矣蹄涔洞庭芥爲舟撐拄霄漢  
彈壓大千界下歷梁唐晉漢周一朝世故有反覆禍結  
祝融回祿與鬱攸灰飛障天煙燄熾一火三月爛不收  
遂使觚稜花草莽丹雘成墟邱吾聞至人侈儉初何心  
有茅一把蓋頭便可留何必窮極土木事妖怪腹削赤  
子膏血斂以哀是故子劉子不仙不佛亦不侯視鸞臺  
鳳閣爲蘧廬百萬買宅亦夢幻泡影漚江西豈無家白

沙翠竹泉石幽茅檐曝日搔背痒籬缺牆破手葺修爭  
如以天地爲室廬日月行住坐臥得自由不爲朱門是  
不作白門羞有時千里騎鯨遊汗漫有時蛤蜊踞食龜  
殼秋彼昇元閣者亟成而復壞腸亦不能爲之斷心亦  
不能爲之憂造物何足云此身自贅疣譽堯毀桀未必  
公是非正跖兩窖螳與螻日斜請公急丁山我有斗酒  
歸去來兮相與勸酬又遊鳳皇臺云公子飄然俊有才  
此臺翻覺在塵埃江淮浩渺洲渚沒鳳鳥寂寥鴻雁來  
時事不言惟拄笏書生無用且銜杯生平自厭胷中窄

萬里霜天一日開

周邦彥遊鳳皇臺云危臺飄盡碧梧花勝地淒涼屬梵  
家鳳入紫雲招不得木魚堂殿下飢鴉

黃度鳳皇臺感賦云江淮表裏拱神州底事干戈不肯  
休試上鳳皇臺上望定山盡處是瓜洲

羅必元題保甯寺南軒云萬松盤嶺勢迴環才抱清溪  
浸碧山莫道南軒專一壑古今天下共曾顏

吳淵鳳皇臺用李太白韻云暫因休暇得遨遊感慨尊  
前歲月流長向此時憂徼塞不知何日樂林邱鳳皇寂

鳳樓小  
卷四  
二  
寂空留寺鴻雁  
嗒嗒尙滿洲  
疇昔謫仙愁絕處  
我來登眺更多愁

周師成登鳳皇臺  
云元嘉王子宅  
李白重登臨  
鳴鳳元非昔  
蟠龍直到今  
淒涼微子事  
寂寞茂宏心  
望斷長安日  
懸知屬意深

劉汝春鳳皇臺懷古  
云高臺寥落晚雲深  
故國山河萬里心  
若使當年真鳳見  
不教春燕亦巢林

倪屋登鳳皇臺  
云鳳皇鳳皇幾千載  
鳳皇已去臺空在  
應多燕雀語  
畫梁瞥見蛟龍起  
滄海二十年前曾來遊

野田白鷺涵清秋今夕何夕領賓客飯孟百萬思貔貅  
六朝故國金陵道柳外閒愁仗誰掃掀髯一笑問西風  
未必江山知我老

徐拭翁題鳳皇臺云祇合臺前賸種桐萬柯搖碧護春  
風縱無丹鳳重來此且障長安落日中臺前煙草接青  
徐臺後風花滿殿廡千里暮濤空寂寞醉人春色正西

湖

姚鏞宿護國庵觀朱晦翁題名云滿樹櫻花滿徑松解  
輦才是暝樓鐘上方月白山雲靜看見東南一兩峯看



了題名看跋文自憐不及晦翁門野僧惜打殘碑賣時  
共山猿洗墨痕

梁棟題鳳皇臺云白髮久孤鸚鵡杯碧梧白老鳳皇臺  
管夷吾亦僅如許李謫仙今安在哉城郭是非秋雨外  
江山形勝暮潮來小留只爲中秋月且放青冥萬里開  
包秀實登伏龜山云暇日登臨興不窮伏龜樓做俯晴  
空停杯別有傷心處四面青山似洛中

汪立信金陵懷古云勝地尙存龍虎氣荒臺已失鳳皇  
蹤六朝文物山川古霸氣終歸指顧中

明高迪題元集賢待制馮海粟公鳳臺弔古圖云謫仙  
昔作供奉臣詩語不合妃子瞋鑿坡無地容侍直錦袍  
來醉金陵春金陵臺高鳳皇去西望長安竟何處江聲  
空打石城潮山色猶橫歷陽樹騎鯨一去五百秋花草  
滿徑埋春愁瀛洲老客綠玉杖笑領賓客還來遊才氣  
風流頗同調曾入金門待明詔當年流落不自悲卻問  
前人欲相弔可憐二子遭清時放逐江海空題詩賴有  
高名足難朽何用粉墨他年垂夕陽欄檻登臨後誰復  
來遊酌杯酒屐痕寂寞隱蒼苔棲烏啼滿臺城柳

倪謙題萬壑蒼煙卷敘云金陵鳳皇臺之西有勝地焉  
鄒君允達先塋之所闕也塋之外嘗闢別墅以當山水  
之會有古松數萬株望之鬱然相繆若蛟龍蜿蜒拏雲  
攫石交綰爭奮入其中翠濤滿耳蒼雪洒衣林霏澗靄  
爽人心目不知塵氛之侵暑氣之及而身之在人世間  
也允達樂之恆避俗藏修其間秋官郎中周公善繪事  
乃請爲髣叟寫真旣成因命之曰萬壑蒼煙要予賦之  
久之未有以復也今春會試來京謂予曰此圖必得子  
詩與之爭蒼古可也予愧其意勉爲一歌書以爲先容

若予者豈能發後凋之奇然允達英邁有氣節磊落不  
羣觀其志足以知其人矣歌曰君不見泰山之巔盤老  
龍高蓋偃蹇排寒冬參天自是隔風雨胡乃坐累秦王  
封又不見匡廬之厓霜雪盛馬鬣塵尾枝交映已從方  
士資養生更向桑門作談柄何如鳳臺之西千萬栽一  
一長身封綠苔貞姿高質負奇氣礫砢總是明堂才乍  
疑森森劍佩羽林客怒氣衝冠鐵衣澀又疑翩翩雲罕  
紛前驅翠葆碧幢攢列戟大株小株鱗甲堅正直豈畏  
藤蘿纏露滋雨洗淨如沐但見萬壑搖蒼煙道鄉之孫

我之友愛隱松關與松偶城市紅塵沒馬深誰解尋盟  
歲寒叟秋官放筆寫作圖墨華滿紙煙模糊經雷蛻骨  
縮人瘦拔地怪柯編虎須披圖浩歎對君酌青雲絕勝  
蒼煙壑上苑霏微煙更多來游好控巢松鶴

姚黼題鳳臺別墅云雅慕三休向草萊卜居近傍鳳皇  
臺花深門徑人稀到簾捲春風燕自來謝傅襟懷常對  
奕陶公事業只銜杯眼前且盡江南景二水東流去不  
回

謝少南游徐東園公鳳臺西園云蘭榭開冰簟蓮塘著

羽舟洞簫霞外聽醒石席間求月宇如無夜風巖自有  
秋飄裾襲涼吹渾欲罷登樓蒼栝千年樹虬根欲十圍  
未容禽鳥宿曾覽鳳皇輝明露香同泣青霞溼不飛何  
時投隱社結屋定相依

姚汝循桐灣閣上偶作云傲吏由來戀邱壑青鬢歸田  
殊不惡舊業原居桐樹灣遂向灣頭結幽閣九曲清溪  
枕畔流一片鍾山鏡中落山光溪色情無盡榜歌漁唱  
虛相應垂綸豈學渭川翁觀魚且適濠梁興自從妙法  
悟華嚴萬事回頭皆破甑

余孟麟冬日登瓦官寺閣云嚴城接古寺曠望憑四天  
遠峯積晴雪野水生晚煙拄杖撫寒景鳴鐘叩香筵留  
客青精飯山廚就石泉春晴登鳳皇臺云公子林亭甲  
帝城碧雲深處踏新晴草逢霽後留煙細花入春初抱  
日明臺上吹簫還憶鳳橋邊取石欲飛鯨西園列蓋重  
相聚北海清尊好共傾經徐王孫鳳臺廢園云高臺曾  
是主家園搖落西風半廢垣不復居人思竹格空餘過  
客問桃源疏林遶遶寒流咽荒徑萋萋露草繁獨有秋  
螢煙水外飛來依舊照黃昏

朱可涅同春園雅集云流光休易擲相與暢幽情錦石  
花閒疊紅橋柳外明酡顏飛玉屐纖手按銀箏此夜宜  
投轄賡酬雅韻成

湯有光宿萬松山房云暝色沈松際遊人宿上方雲生  
千壑暗月出四山蒼孤榻空塵夢疏鐘動夜涼幽懷殊  
未已高詠託滄浪

羅燾上巳鳳皇臺詠遊閣讌集云上巳恣幽尋高臺傍  
名園攜尊溪閣間依依坐清晝地僻百鳥啼春深羣木  
茂積雨生輕寒山泉響新溜落花擁徑紅蒼蘚鋪階厚



促席向前楹傳觴話朋舊蔬盤出行廚清歌傳童幼興  
豪歸去遲徒倚黃昏後

葛如龍自題竹護齋云鳳去臺仍古春風占小園亂紅  
花覆屋新綠竹編門蝶夢閒依枕鶯聲嬾出村有泉堪  
洗耳誰與溯真源

焦竑遊西園云林皋颯欲秋閒園自成步駕言城郭遊  
翻愜滄洲趣臨深杳難卽躋險倏可度長藤緣澗上遠  
岫當窗露崖壑旣盤紆竹木亦交互怪石森餘株清川  
貫中路微雨逗涼颺煩暑漸以去同人自相將杯酒豁

情慄棲遲少日懷緬邈平生故流光豈不邁延賞未云  
暮詠懷各怡然撫景謝良晤

阮鳴韶講學瓦官寺云白雲底事出山忙吹我春風到  
講堂燕入疏簾尋舊壘鶯穿密樹奏新簧乘時自得曾  
中趣觀物何須肘後方指點杏花村不遠杖頭錢挂足  
徜徉

鄭觀光遊遯園贈顧鄰初云自愧寒氈守投簪已覺遲  
高懷依鳳里下問到鳩茲好鳥鳴雲麓繁花綴露枝  
環如許借還可慰書癡

何棟如西園對松石晏坐云蒼松和白日並我作三人  
寤寐常相見遲留轉自親蘚苔封鳥跡霜雪老龍鱗何  
日逢耆舊爲予買宅新

顧起元著園居雜詠其遯園云三復白駒篇遐心益難  
創結宇青林閒道然寄天放其地不盈弓所貴遠俗狀  
自無車馬音但有煙霞相西鄰嘉樹多垂帷蔭深巷流  
影墮庭除暝日翳重障我行坐此中岸幘倚藜杖世路  
憂險巖縱步此焉曠安敢希巢由庶幾耦禽向塵務了  
不關禪扉故相傍尾厲良可唏棲棲懲波蕩小石山云

高閣頰虛庭荒塗意不懌思割孱顏姿文此荆榛迹平  
移三尺峯遠載一拳石非同愚谷徙聊異平泉癖突兀  
擢煙青玲瓏峙雲碧園以虎須卉蔭以龍珠柏毋言洞  
日隱頗詫壺天窄無事倚摩挲有時伴晨夕乍可對清  
吟何當振高屐鈍如老子頑堅似幽人僻良爲智者靳  
懿此慰山澤快雪堂云虛堂負陽構北望鳳皇臺坦迤  
下平岡龍堂鬱崔嵬長松儼離立謾謾延風來苦竹敷  
清陰碧草春煙開徒倚堂下坐寄眺心悠哉朔氣厲城  
隅飛雲皓皚皚瑤林儼屏幃珠綴澄氛埃清氣瑩心神

泠然濯魄迴我心快對此酌以流霞杯曠若游崑崙神  
樓恣徘徊歲寒厲高節長揖兔園才月鱗館云素鱗飛  
斜月昔賢有佳句何意茅檐北挺此三珠樹古根互屈  
蟠繁花競敷布坐想春風吹瑤枝曳空素金波蕩天流  
銀虬翳雲駐蛻甲忽紛飛因風散還聚屑玉詎有香凌  
波尙無步桃李難爲姿鉛黃不成妒幽人俯盤桓高館  
對遲暮疏影眷黃昏坐看玉繩度咄咄孤山詩悠悠廣  
平賦花徑云開徑苦不長逶迤自成曲鬢鬢當廣涂植  
援乃相屬高梧青欲流杉松翠如沃杏纈已照眼楊絲

初踈足架蕊何續繙春工繡成蹙野石何離離嗟峨峙  
蒼玉振策一徘徊俯仰恣流矚何事疲形軀攀躋騁遐  
躅多病不窺園萋萋秋草綠稚子劇掃除愛此不忍觸  
惟應遲羊求敢希長者辱高臥室云丙舍啟北窗豁然  
交遠風修竹百餘竿蔭以雙梧桐甘蕉羽襪襪搖曳曲  
闌東榆影從西來暮日如簾櫳但見清陰合不知羲馭  
中野夫狎高枕恍惚登鴻濛形神一以就萬化靡不同  
膏騰夢初覺清磬來龍宮摩挲雙眼開看鳥游高空此  
時祝融令炙手應無功誰言羲皇後睡鄉人未通懶真

草堂云少陵懶是真寄志峩肩叟長嘯宇宙閒曠然思  
尙友茅堂構中林兩楹餘數肘虛檐傍修竹自顧非五  
柳娑羅雙樹閒雕窗洞前後無事此枯坐嗒焉誰與偶  
趾不錯階除手僅持杯酒困卽支枕眠起或循牀走拋  
書閱歲多抽簪計時久真成萬事慵謬憶一邱守考槃  
矢勿告此意人知否橫秀閣云昔聞供奉言秀氣橫高  
閣愛此清幽併因標所棲託短垣不礙山竹木森倚薄  
夕霏澹猶斂朝霞翠仍錯拾級不任疲送目意乃豁飛  
雨原上來城陰靄然合雙林蒨峭閒孤臺樹垂幕虛牖

延清風菁葱坐堪掠無事憺披襟曠然心宇廓誰云巢

林適已勝御風樂高臥良所便願言保邱壑又有杏村

諸園詩其徐錦衣鳳臺園云傷心千古鳳皇臺蕭瑟僧

寮伴草萊歌扇舞衣無處覓西風蟬咽不勝哀園今屬上瓦官

寺諸髡次第平其臺芟其樹而稅與灌園者名勝盡圯諸髡且自詫為青銅海矣張孚之佚園

云萬木琅玕抱石斜朱闌深鎖但棲鴉自從仲蔚辭三

徑誰為羊求掃落花孚之下世園日扁矣王爾祝園云高臺傑閣

倚崔巍疊石疏花面面開為問輞川文杏館幾從裴迪

賦詩來爾祝生前從未一到園丁灌藝而已徐氏西園云西園坦迤接華



林窈窕經秋樹色深朱戶晝扃唯鳥雀不知誰抱薜蘿

心沈生子嘗居之汪景純購以千金今又將易主矣吳孔璋園云城陰竹色勝

梁園六十年來綺不繁聞道幼輿邱壑在不妨移石動

雲根園竹已枯吳君意欲新之成可並美西園者何公露園云琪花瓊樹近

堪攀海上求仙去不還獨賸文成馬肝石參差疊作大

何山方士醒神子嘗居之與遯園東西相望也卜味齋園云嵯峨飛棟入煙

空俯視皇州一氣中誰向賞心誇絕景已專邱壑大江

東許長卿舊園云玄度閒情問薜蘿徵花選石倚婆娑

名園不淺春華色總讓中庭玉樹多謂繡毬花其新園云半

畝方塘看戲魚豆棚瓜架日蕭疏高齋把酒聽黃鳥恰

是江南四月初

長卿恆與客  
嘯咏其中

李象先園云瓦官寺南高

樹陰中有幽人橫素琴曲房小徑殢還往夜靜獨聞鐘

磬音許無射園云人閒玉斧自仙才隱洞深依古殿開

宛轉曲房何處入直疑瑤館祕天台湯熙臺園云杏花

村外酒旗斜牆裏春深樹樹花莫向碧雲天末望樓東

一抹綴紅霞陸文學園云一點妖紅泛綠波曲池芳樹

影婆娑不妨靜引南薰坐自按江南子夜歌

池多  
荷芰

方子

中園云修竹晴看綠雪飛古牆深巷隱雙扉不須更說

喧難避苔徑由來屐齒稀

園舊多修竹余過之謂可避世

張保御園云

曾從沈約問郊居此地仍堪賦遂初苦竹自深人不到

可能重駐子猷車

舊為王太學館友人沈不疑常稱之

李氏小園云曲池

微亞綠楊低黃鳥春晴不住啼何處一尊堪引醉小橋

斜日杏花西武文學園云咫尺桃源未問津隔牆紅樹

擁殘春自嗟尙淺王郎興嘯咏還期待主人

園扉常局未及涉其

藩第從鳳臺西見杏樹繁盛異常為之延眺而已

二弟羽王園云欲隱何須更

買山卽看高閣迴塵寰誇他建業千峯出盡在危闌指

顧閒三弟周南園云綠坡修竹影離離小屋捎雲入暝

遲莫問何家山小大月中清嘯玉參差

弟構此園未終而歿余每過之

不勝人

琴之慟四弟太復園云自愛山林引興長更憐春草媚

池塘行園處處皆相似喚作新豐也不妨

園規摹大概如遜園而加

整

又鳳臺春曉歌為董參岳壽云鳳皇高臺幾十仞古

木葱菁拂雲峻瑞氣遙從六代開文采風流過江振鍾

山紫翠雙闕浮坐攬澄江月如印供奉高吟舊不磨齊

邱片石今為鎮曲徑逶迤深樹邊春煙靉靄青芊眠昇

元閣礎臥蒼莽琳宮珠刹相鉤連春城楊柳啼鶯徧杏

花村蠹頰霞鮮誰人青絲提玉壺舉紅擷翠城之隅垂

藤曉露霑繡襦春杯激灑流珊瑚爲君起舞歌吳歆高  
臺花氣天模糊醉看縹縹紫庭至千載和鳴六帝都又  
鳳皇臺懷古云朱鳳蕤葳碧漢遙高臺風物正蕭條千  
峯半隱青龍樹九派中迴白鷺潮詞客異時來置酒美  
人當日罷吹簫春花秋月何時斷梁苑陳宮更寂寥又  
題韓熙載宅云鳳皇臺畔戚村東學士歌樓在此中莫  
恨萋萋春草綠年年先上景陽宮又雨中過花盃岡望  
許長卿小樓云春深日日雨廉纖寒勒花枝曉霧添玄  
度可知慳酒興小樓煙午閉青簾又過佚園云山色連

門巷城陰覆苑牆地疏幽徑豁樹古弱枝蒼露草翻瑤  
砌風花影石房檀樂千萬箇晴雪灑衣裳興卽簪裾懶  
情偏邱壑鍾護坂編薜荔疏沼種芙蓉唳鶴風林靜棲  
鴉晚樹濃惟應遲鄰叟杖履日過從又遊同春園云小  
山池館自沈沈徑轉雲門窈窕深翠竹含風環珮冷紫  
薇籠日洞房陰枝頭鳥過將衝幘水面魚遊欲聽琴別  
有高臺堪徙倚玉簫吹作鳳皇吟又園居漫興云閒課  
園丁藝百蔬日中斲水帶星鋤晚菘早韭能娛客不憶  
當年種樹書一徑繁花紫翠重幽居何借白雲封空山

累月無人事坐聽雙林曉夜鐘古牆深翳碧琅玕雨過  
偏憐白日寒自爲平安好將護籜龍千尺上番看自是  
顏公畏貴人非關高枕厭風塵無端鄰叟輕相識還咤  
金門侍從臣

朱之瑤過瓦官寺云虎頭金粟渺難求石碣憑誰認舊  
遊又見幾番江水縮殘陽一片瓦官秋

杜濬杏花村尋友人居云野夫不識路逐步問君家但  
見新春草曾無古杏花風傳林杪磬煙起竹間茶始到  
幽棲地行遲日漸斜朋輩多分散煙光也幸存最憐新

柳色不改舊柴門海石蒼三徑鄰機響一村彈丸詩脫  
手況復酒盈樽

方文自下移居云城南有荒寺云是古瓦官傑閣雖凌  
夷香林未凋殘我性本孤僻憩此中心歡山僧敬愛客  
假寓良非難一室容偃仰三時恣盤桓讀書有真樂不  
畏飢與寒鄰人售餘屋移家此偷安風雲苟未會且作  
龍蛇蟠過吳氏舊園云公子西園昔所誇秋風今已屬  
誰家六朝松石無人問落盡池塘白藕花吳白生見訪  
瓦官云冠蓋京華滿何人問薜蘿交游半雲雨文字總



鳳窟  
卷四終  
三  
風波閉戶知音少哀時隕涕多客居如寂寞十日九相  
過

邢昉題瓦官寺云南朝當日瓦官寺每到山門感廢興  
驍騎倉邊尋古井夕陽重話白頭僧

女士郝嫣然題鳳皇臺云雨過荒臺春草長浮雲暗處  
是斜陽杏花零落知多少黃蝶翻飛野菜香

鳳麓小志卷四終

後序

金陵名勝六代所都西南奧區樓指鳳麓童時游釣耳  
熟能詳自先中議愛陶潛隱居法長統養志經營別墅  
咫尺茲山益得蠟屐探奇扶筇選韻登高覽古千尺瓦  
官之閣尋芳踏青一坏步兵之墓加以園居深邃水木  
明瑟侍安仁之板輿撫季高之松石詩酒壇坫一時稱  
最每欲騷屑舊聞挾張遺蹟而人事煎迫飢驅出門回  
首前塵忽忽廿載今冬陳君雨生以所著鳳麓志郵示  
偉哉此作先得我心凡夫襄陽耆舊之傳明誠金石之

篇洛陽伽藍之記西京食貨之志靡不搜羅散佚甄綜  
古今園林廢興尤三致意敝廬無恙亦得附書楮墨有  
靈履綦未沫亟付梨棗如仰梓桑所惜蓺菊就荒種松  
已老一草一木思遺愛於栝捲半壑半邱懼弗荷於堂  
構夫瑯琊故居已迷燕子中山廢圃久種瓢兒况此數  
椽終歸彈指此則庾信小園之名流傳於一賦半山捨  
宅之願俯仰於千秋者矣讀竟掩卷良用憮然光緒己  
亥冬日胡光國叙於揚州廡館

東城志畧

劉文煜題

光緒己亥  
可園刊印

引


金陵聚寶門城墉左右袤延淮水袤界於其北中狹而  
秀袤故城廂隙地如舒兩翼然土人呼門東門西而徐  
錦衣園亭分踞其勝因又有東西花園之稱予旣輯鳳  
麓小志以紀西南隅之名蹟而東城闕如山川有靈殆  
將怨我會於暮秋之初訪秦君伯虞於南岡草堂時天  
雨新霽景物激鮮疏柳搖風叢蘆作雪相與登孝侯之  
臺尋鷲峯之寺俯仰陵谷不盡流連古意滿懷呼之欲  
出歸乃披圖檢冊就所聞見排比成編命曰東城志略


山水街道考核纂詳人物藝文未遑專錄亦運瀆橋道  
小志例也抑予深有感焉士君子幸生今世方將馳海  
外之觀卽騶衍所謂大九州者演爲新說以變易天下  
之耳目而顧足不出里閭一邱一壑極意蒐探甘爲不  
賢者之識小質之秦君得毋笑其如醯雞乎光緒己亥  
冬至後十日陳作霖識

東城山水  
街道圖

庚子春啓  
栲署







--	--	--

東城志略

江甯陳作霖伯雨編

志山

赤石磯者雨花山之分支也楊吳築城時斷而爲二在城內者爲紫巖俯臨婁湖婁湖者吳張婁侯昭所開也齊武帝作婁湖苑陳宣帝立方明壇於婁湖或厭王氣或誓六師天人交應矣今湖久涸而亂石猙獠俗呼老虎頭者婁湖頭之轉音也其坡陀處爲南岡六朝士大夫萃聚之所梁武帝評書譏其徒尙風軌不免寒乞宋沈慶之有園舍在

是一夜攜子孫徙居之所謂徒步歸南岡也稍東為同

夏里梁武帝生於斯大同三年置為縣因捨三橋舊宅

為光宅寺亦名蕭帝寺

蕭子雲飛白書寺額後唐李南約得一蕭字載歸以名齋

唐更名法光宋曰鹿苑皆取內典以錫號焉寺側有范

雲裴邃二墓

見南史梁武帝紀

今不知所在矣向東有艦澳梁

武帝每幸舊宅儀仗塞路開此以藏艦也

見景定志

後為邨

氏窟蓋梁武皇后化蟒處武帝冊為龍天王立祠祀之

景定志引

六朝記

今之蟒蛇倉也岡脊有周孝侯處讀書臺正

氣浩然高山並峙臺下為古柏菴林木名節輝映千秋

矣門外嵌宋管仲姬畫大士石刻後又就山鑿像故謂  
之石觀音院西蓮菴實與之鄰修竹深藏屋瓦皆綠循  
側徑而行至接引菴藏二米佛刻鏤工絕相傳為赫制  
軍壽所留今久失去紫巖舊有文昌閣明呂維祺建林

明經潤嘗橫經於此潤字雪晴解元端其子也與譚聖道之在慈雲

菴生徒同其盛焉磯旁為大樹城有明賈孝廉明道之

園明道字心我善易嘗築乾坤一草亭於赤石磯上孝廉皓首窮經當萬厯之

季世時尙承平也迨兩都既覆抗夷齊之節者牽潛伏

不仕如顧夢游字與治寒碧裔孫紀映鍾字伯紫文士英字及先與

張瑤星 王亦將 亦臨弟性孤僻非其素好不下樓一見 所居皆在孝侯臺

側與張幼仁斐園 張為瑤星從兄園在濯錦塘 鄒典節霞閣 典字滿字與胡

念約周敏求為友閣在洗馬塘宋之玩水閣也 李鄴鷗天閣 鄴字泌仙事親至孝 相望於

山水之間其以畫隱者又有楊亭 字元草家貧品峻不妄干人 張修

字損之嘗獨坐鷲峯寺鐘樓反局其戶寄想雲外 樊圻 字會公與兄沂借隱嘗作詩云天多哀志士福

不降人 諸人遺老衣冠差堪彷彿彼李漁芥子園 漁字笠翁以填

詞名 不得與之競美已官廨則有明供應庫土人猶呼庫

上又有金陵驛同治後遷於上元署側而馬王廟遂廢

其址曰馬皇苑猶以廟名也自大樹城轉東為正覺寺

初名水月菴嘉慶中僧鏡澄獲妖人方榮昇奉 勅改建規模宏敞予猶及見之蓋至是而岡麓之地盡矣

志水

鎮淮橋者今之南門橋也跨秦淮之上在吳為南津晉

立大航以與朱雀門對故名朱雀航實二十四航之一

至唐乃有橋見劉禹錫詩而淮流益狹矣自橋南轉東為大

英府街今改為膺福以明英國公張輔府而名輔以平交趾封後死土木

之難又東為堆金積玉二橋稍北為翔鸞坊南唐盧絳嘗

居此有廟祀盧大王重其忠節也絳為昭武節度留後宋殺之皇甫



繼勳與之為鄰有愧色矣

繼勳暉之子也亦居翔鸞坊以豪暴為眾所殺廟側

有溥泉咸淳年井闌已失對街為長樂渡舊有橋今圯

古丹陽郡城在長樂橋東一里

見肇域志

晉太康中所築也

至隋始犁平之轉北為大油坊巷

一日德慶巷從巷名也

有明姚

典客澗市隱園

澗字元白性孝告歸侍養與顧東橋顧清甫為友

其子之裔建

海月樓於中孫履素拓南面而大之以北半歸何侍御

涓之命曰足園

涓之字仲雅巡按福建有政聲

鼎革後龔尚書鼎孳挈

顧眉娘寓此值其初度張燈讌客而園名益振

或曰乾仕隱

隆閒屬熊編修本易名塔影與其旁借影園龔文思以

為江文通宅者今皆蕩為瓦礫場矣又北為武定橋徐

中王達諡武甯橋適當王府第後故曰武甯以避宣廟諱易今名橋口有明梁尙書邢

榜眼二坊尙書名材字儉菴在戶部善守法諡端肅榜

德鄉而管檢校景宅景字子與尙書坊相對讀樂園即

在坊側白雲名園記有亭翼然迤東北為鈔庫街明置

寶鈔庫於此一日沈香街以項子京焚沈香牀得名子

挾妓為所侮因焚是京驃騎航實當其地晉紀侍中瞻之

牀見續板橋雜記驃騎航實當其地晉紀侍中瞻之

宅在焉瞻字思遠拜驃騎將軍又名東航金陵新志晉

府立東航則會稽王道子所立亦曰東府城橋或太元中驃騎

曰陳後主弟叔陵據東府作亂自小航渡亦此處烏衣

良或各

四

巷應與之近吳時烏衣營處也晉王謝渡江初來卜居

於此翩翩子弟裙屐風流必非尋常閹閱

宋有烏衣園馬制使光祖

新之榜其堂日來燕

今乃以街西一委巷當之謬矣巷中舊有法

王寺隆安閒晉帝迎鳩摩羅什於秦來居此號三藏國

師非唐之元奘也

見肇域志

瀕淮有張明經灤宅

灤字子瀾道光中詩

人與顧槐三

字秋碧

夾河而居人稱白門二妙其旁為文

德橋

新造用木甚崇隆與利涉橋同

跨文廟泮池之上蔣山真面青翠

撲人橋口有明督學陳公子貞祠舊名芥子河亭今為

茶社疏柳曲欄頗饒畫意直北為石壩街亦曰石壩園

以近長橋石壩而名街西有明黃侍中觀祠屋後臨河

立忠節石坊

侍中貴池人與妻翁氏俱死靖難之變翁有血影石舊藏祠中今失

又北為

貢院對岸每屆大比之期設浮橋以通中路焉夫秋風

士子負笈觀光試館如林率築臺榭傍南岸者以合肥

劉氏河廳為冠蓋在丁字簾前遺址左右

對河水港歧出如丁字形

所謂簾前丁字水也

或曰即丁繼之水亭復社會文處也薛桑根

師停艇聽笛之扁

以四聲調之

殆為此作歟若張士淪清嬾

窩

士淪字心父崑山人

亦在淮上則無可考矣臨石壩之首有木

板以蓄洩水命曰金陵閘胡太守鐘之宅在其東

鐘字晚晴

以舉人官至道義知府祀鄉賢

朱太守緒曾之宅在其

其子沛率合室死粵賊之難

西緒曾字述之以舉人官至嘉興知府

而利涉橋界之

或指是為長

板橋者非 旁有金公閣以祀國初造橋之人金雲甫

非典祀也稍東為桃葉渡晉王獻之送婢於此宋曾極

詩謂之南浦渡明遺老方文自瓦官寺移居焉旁為柳

浪湖

疑即田林詩注之烟柳湖

明吳子充築長吟閣於上朱元律詩

所謂秦淮別派小成湖是也自是而上樓船歌舫麇集

於斯金碧輝煌外施步幃中流屹立不費推移與昔時

烏篷小舫納涼競渡者迥異即一治遊亦不免滄桑之

感焉南岸有長年振粥廠以食飢民豪華浪子覩之其  
有警心乎又向東折處爲汝南灣晉汝南王南渡家此  
旁卽東冶亭六朝士大夫餞別之所明焦太守潤生之  
隨園在焉潤生字茂慈弱侯之子以蔭官曲靖知府死孫可望之難其跨淮平曠之

區蓋東府城故址晉會稽王道子之第也趙牙爲築土

山於中日靈秀義熙十年移揚州治於此宋齊梁陳因

之景和中改東府爲未央宮蕭道成初封齊王以東府爲齊宮江左之重鎮也今則

舊時明月猶過女牆寂寞周遭正臨東關之上乃秦淮

水入城之處所謂上水門也城內河身積淤高於城外開板雖開而時屆秋冬之

交水反外洩講水利者宜思導源之法焉。○右淮水東南岸

明留守後倉在赤石磯下俗呼蟒蛇倉其轉輸之道則

引淮水以為渠謂之小運河自金陵開東北傍白塔巷

而流塔本在迴光寺永樂時僧迴光所建萬曆中以寺近舊院移去而白塔猶存巷中有倪

園釋笑峯所構也笑峯即倪嘉慶字篤之官戶科給事中明亡為僧又有卜守

備世儼宅世儼以武進士起家死吳三桂之一日楊家難 聖祖南巡賜盡節邊疆額

巷蔡部郎琳故居在焉琳字紫函性至孝咸豐中進士迤北為丁官營

直東為長塘舊長板橋所跨也橋西為教坊明初以勝

國俘孥罪臣妻女沒入其中最稱弊政然烟花南部點

綴陪京舊院聞歌奈何輒喚渡江名士有樂而忘歸者

如顧橫波之眉樓李香君之媚香樓皆足為曲中生色

而過孔雀菴中

一名因是菴

尋守真

馬湘蘭字

手植朱藤清陰散

馥經門外玩月橋證色空之旨得真詮焉黃虞稷詩馬

湘蘭宅作招提大徹大悟矣院旁有樂王祠以祀鼓吹

之神後譌曰藥王醫士祭之祠外有教坊司題名碑

嘉靖

中立張鏊書有左右司樂併長色長等名後徙於迴光寺

至

國朝康熙間改築石

壩而橋始廢塘西有鷺峯寺

唐時僧名鷺峯

天順中宦官進祖

定所建寺後有顏魯公放生池溪雲蘆雪秋景絕佳石



上鐫肇窠字曰魚極樂國宋乾道時史制使正志建青

溪閣於池上後人誤以淮東為青溪實始於此迤南有

迴光寺葛祠部寅亮所移建也中築青扶閣登眺尤宜

道光中以寺為老民堂屋宇日圯矣運河水又東流至

苑家橋徐錦衣天賜之東園在焉中有世恩樓徐霖所

篆額也弇州名園記云東園一曰太傅園初入門雜植榆柳餘皆麥隴轉而右為心遠堂為月臺為小

蓬山有峯巒洞壑亭榭之屬左有一鑑堂枕大池丹橋迤邐凡五六折橋盡有亭宛在水中央一水之外皆平

疇老樹其壯麗為諸園甲有園丁苑姓居橋旁故橋以苑

姓之舊有酒肆曰浣花居以賣野味得名其小碣曰青

溪中斷處嗣魏國公洪基書也茶社曰靜樂軒相傳爲

劉明經旂錫故居旂錫字莪厓誠意伯之裔著白下餘談其側有晉孫興

公宅王宗伯澤宏字昊廬黃岡人主持風雅遠近宗之卜築於此命曰紅

薺山館見白門風雅集左近有茉莉園東園之所分也蔬圃菜

畦地頗幽僻金陵俗中秋月夜婦女有摸秋之戲以得

瓜豆爲宜男常往是間也運河水又南折至馬家橋有

綠蘋灣朱處士庭柏寄寓於上庭柏字林修性高潔康熙時人宋山言

詩便欲從君圖畫裏杉皮屋子補三閒其景仰之情可

見矣馬家橋南有石橋迤東爲五塊磚方少詹拱乾嘗

居之

拱乾字坦菴恪敏公之高祖也

陳布衣毅之宅在焉

毅字古漁工詩袁簡齋稱

之其子元富字

紫巖以地名也

陳大令克廣實與之鄰

克廣字容園宅中有玉京仙館

以植芙蓉而名

異苔同岑契合無閒已運河水又南流至麥子

橋婁湖水自五板橋觀音橋藏金橋采蘩橋星福橋小

心橋來會之所歷者為半邊營

南岸皆河有橋曰安定今圯

為水左

營

明水軍左所屯營之地

遂以達於倉焉

按此水明人以為青溪呂志以為西溝實則淮

水支流古運河水也今故道多塞諸橋日平每夏秋水漲泛溢為患病潦者十室而九焉○右小運河

### 志街道

鎮淮橋東沿南城根轉為豆腐巷內有土地廟頗宏廓

迤西爲鬼門關以闐寂無人也今呼爲貴人坊從美稱也直東南爲邊營有金氏膝園地僅數十弓而池臺粗

具罌粟花極繁

見白下瑣言

又東爲中營爲仁厚里轉北爲

三條營爲阿彌陀佛菴或曰卽普照菴道光時飯僧以

千計蔡琳詩臘終尙想兒時事錦髻雙丫看打齋是也

跨五板橋過爲積善里稍東爲雙塘塘旁園戶縛盆爲

船冬月入夜取魚謂之湖魚味尤鮮美焉自大英府南

轉爲翦子巷古名周處街在善和坊南織錦坊東者卽

此見南都察院志

巷內有明韓通政維藩園

維藩字襄宇萬厯中進士從子范死

國難石山中峯高可二丈宋賢題跋甚眾從徐氏東園購

得者也舊有崇義堂本淮商創置以為孤貧肄業之所

今廢新設育嬰普育二堂官所辦也東轉為方家苑明

世宗孝烈皇后家居此過藏金橋為小英府英國公之

分第也路旁有韋駝殿其南為陶家巷又南為張家衙

明張莊節公可大有宅在此名小東園直東為轉龍橋

一名八間房南折即轉龍巷與轉龍居也自堆金橋東轉為

馬道街相傳明富民沈萬三居此萬三非名也洪武初分其民為哥疇郎官

秀五等秀最上又各有等鉅富者為萬戶三秀沈名富字仲榮性豪華其弟貴屢以詩諷之不聽未幾籍沒其

家成金齒范光祿鏊之宅在焉鏊字叔度從福康安平臺灣有功官至四品卿子承祖夔

州知府承典通政司副使東為采蘋橋有明王義士廷銓寓廬廷銓字樸

菴閩人嘗收道旁遺孩養之其秋懷詩云采蘋橋上留詩別母在尤

宜惜政身則亦仕而歸養者也後雖遷徙不離東園裔

孫元貞字孟起諸生有任郵行有臥癡閣在秦淮南有桂園在迴

光寺後不墜堂構矣金明經鼈故居亦在橋畔鼈字偉軍即著

金陵待徵錄者模山範水筆具化工文獻之所係也馬道街西

北為蔡家苑為木匠營其歧處為新路口東沿方井遂

至於小心橋矣自翔鸞坊入為維新巷為燈草巷又東

為磊功巷蘭明經啟勳嘗課徒於此

啟勳字玉堂以善講書名

巷盡

處有郭貢生鴻倪處士之鑊二孝子坊東西相望轉北

為籬桶巷有徐髯仙霖快園前明武宗南巡時幸其家

於晚靜閣下釣魚失足落水中園內有宸幸堂浴龍池

皆紀實也

霖字子仁詞曲詩畫無不精妙供奉禁廷恩幸無比授官固辭天下高之

後園數

易主至 國朝為淩州判霄所得

霄字芝泉嘗入畢中丞沅幕書畫篆刻皆

工 今雖廢為邱墟而春水鴨欄夾以桃柳土人猶呼小

西湖焉自大油坊巷轉東為宰豬巷為小油坊巷巷北

有官立清節堂以養嫠婦惠政也直武定橋東為堂子

巷有明何文端公如寵賜第

如寵桐城人崇禎時官至大學士

至國

朝嘉慶時秦殿撰大士歸老後居之

大士字礪泉官至侍講學士

取

歐陽永叔瞻望玉堂如在天上之意名其園曰瞻園

中有

東山樓自撰聯云辛勤有此廬抽身歸矣喜鳥啼花笑

三徑常開好領取竹簟清風茅檐煖日蕭閒無箇事閉

戶怡然對茶熟香温一編獨抱最難忘別來舊雨經過

名山又樹柏梓桐楮四木於庭名曰百子同居之堂

士人遂以官命其里曰大夫第

大士子承恩官至直隸總督承業以帝傳贈

禮部尚書諡文愨承恩子耀曾官兵部郎中

其妻畢率合室死咸豐癸丑年粵賊之難

又東為院

門口舊院之前街也長橋烟水清泚彎環碧楊紅藥參

差映帶以時最為歌舞勝處又東為新廊有鳳池書院



以課諸童迤南有千佛菴

梵刹志所謂千佛寺在水軍所東北者即此

有石

將軍廟飲虹園之故址也稍北為蓮子營為槽坊巷有

釐捐總局寄此理財抑未有微權焉自鈔庫街轉南為

琵琶巷迤東北為天喜長生祠

本名祁園

所以祀痘神者道

光中上元夜張燈極盛後燬於賊曾文正公重建之又

東為延慶祠藩司書吏以祀庫神謂之財帛司道光中

有為之娶婦者黷神甚矣自石壩街轉東為石將軍巷

為小石壩街有畫師蔡元春之宅

元春字芷衫嘗與繪南巡盛典

吳

思忠遙與為鄰

思忠字孝侯工詩善畫猿人呼吳猴

家有青溪草堂實為

東城之極北隅焉

東城志略終

C51

1

21101000191366



21101000191366

東坡志略

三